

四庫全書

經部

欽定四庫全書

左傳杜林合注卷二十七 明 王道焜

趙如源 同編

襄公三

經

巳亥

十有一年春王正月作三軍

林增立中軍萬二千五百人為軍此志三

家分公室之始

○夏四月卜郊不從乃不郊

無傳

○鄭公孫舍

之帥師侵宋○公會晉侯宋公衛侯曹伯齊世子光莒

子邾子滕子薛伯杞伯小邾子伐鄭

杜世子光至復在莒子之先故晉悼

亦進之林此悼

公三駕之二 ○秋七月己未同盟於亳城北

亳城鄭地伐鄭

而書同盟鄭與盟可知○亳蒲洛反

○公至自伐鄭

無傳○楚子鄭伯伐宋

○公會晉侯宋公衛侯曹伯齊世子光莒子邾子滕子

薛伯杞伯小邾子伐鄭

杜晉遂尊光林此悼公三駕之三

會于蕭魚

杜鄭

服而諸侯會蕭魚鄭地林伐鄭而會蕭魚序續也自是鄭不叛晉者二十四年

○公至自會

杜無

傳以會至者觀兵而不果侵伐○楚人執鄭行人良霄

杜良霄公孫執子伯有也○霄

消音 ○冬秦人伐晉

傳十一年春季武子將作三軍

魯本無中軍唯上下二軍皆屬於公有事三卿

更帥以征伐季氏欲專其民
人故假立中軍因以改作

告叔孫穆子曰請為三軍

各征其軍

征賦稅也三家各征其軍之家屬

穆子曰政將及子子必不

能

杜政者霸國之政令禮大國三軍魯次國而為大國之制貢賦必重故廢不能堪

武子固請

之穆子曰然則盟諸

杜穆子知季氏將復變易故盟之

乃盟諸僖閔

宮之門○

詛諸五父之衢

杜五父衢道名在魯國東南閔音宏詛以禍福之言相要○詛側

慮反父音甫

正月作三軍三分公室而各有其一

杜三分國

民三子各毀其乘

杜壞其軍乘分以足成三軍○乘繩證反

季氏使其乘之

人以其役邑八者無征

杜使軍乘之人率其邑役八季氏者無公征

不入者

倍征

不入季氏者則使公家倍征之設利病欲融使入已故昭五年傳曰季氏盡征之民辟倍征故盡屬

季氏

孟氏使半為臣若子若弟

杜取其子弟之半也四分其乘之人以三歸公而取

其叔孫氏使盡為臣

盡取子弟以其父兄歸公不然不舍制軍分民不如是則

三家不舍其故而改作也此蓋三家盟詛之本言○舍音捨

○鄭人患晉楚之故諸

大夫曰不從晉國幾亡

林自八年侵蔡獲變以來晉楚交伐鄭國至今未已杜幾近也

○幾音機徐音幾

楚弱於晉晉不吾疾也

林疾急也言晉不急於爭鄭

晉疾

楚將辟之何為而使晉師致死於我楚弗敢敵而後可

固與也

林若晉急來爭鄭楚將避逃不敢與爭當作何計而使晉師致死力以爭鄭楚畏晉強不敢與

之為敵而後鄭可固與晉子展曰與宋為惡諸侯必至吾從之盟楚

師至吾又從之則晉怒甚矣晉能驟來楚將不能吾乃固

與晉大夫說之使疆場之司惡於宋杜使守疆場之吏侵犯宋○說音悅

疆居良反場音亦宋向戌侵鄭大獲子展曰師而伐宋可矣若

我伐宋諸侯之伐我必疾吾乃聽命焉且告於楚楚師

至吾又與之盟而重賂晉師乃免矣杜言如此乃免於晉楚之難夏

鄭子展侵宋杜欲以致諸侯○四月諸侯伐鄭已亥齊太子光

宋向戌先至於鄭門於東門傳釋齊太子光所以序也向戌不書宋公在會

故其莫

杜其日之暮
莫音暮

晉荀罃至於西郊東侵舊許許之舊國

鄭新 衛孫林父侵其北鄙六月諸侯會於北林師於向

杜向地在潁川長社
縣東北○向舒亮反

右還次於瑣

杜北行而西為右還
滎陽宛陵縣西有瑣

侯亭○瑣
素果反

圍鄭觀兵於西門

觀示

西濟於濟隧

濟隧水
名○濟

子禮反

鄭人懼乃行成秋七月同盟於亳范宣子曰不

慎必失諸侯

杜慎敬威
儀謹辭令

諸侯道敵而無成能無貳乎

林諸

侯數伐鄭罷徹於
道路而無成功

乃盟載書曰凡我同盟毋盭年

林盭
積年

穀而不分災○毋音
無下皆同諱紆粉反

毋壅利

杜專山川之利

毋保姦

杜藏

罪人毋留慝杜速去惡。慝他得反下同。救災患恤禍亂同好惡獎王

室杜獎助也。呼報反。下烏路反。獎將丈反。或間茲命司慎司盟

名山名川二司天神。間間廁之間。羣神羣祀杜羣祀在祀典者。先王先公

杜先王諸侯之太祖宋祖帝乙鄭祖厲王之比也。先公始封君。七姓十二國之祖七姓晉魯

衛鄭曹滕姬姓杜姓祀如姓薛任姓實十三國言十二誤也。明神殛

之杜殛誅也。殛紀力反。俾失其民隊命亡氏踣其國家杜踣斃也。隊

直類反路蒲北。反徐敷豆反。○楚子囊乞旅於秦乞師旅于秦。秦右大夫

詹帥師從楚子將以伐鄭鄭伯逆之丙子伐宋鄭逆服故更伐宋也。

秦師不書不與伐宋 ○九月諸侯悉師以復伐鄭此夏諸侯

而還 ○詹之廉反 皆復來故 鄭人使良霄大宰石奐如楚告將服于晉曰

孤以社稷之故不能懷君君若能以玉帛綏晉不然則

武震以攝威之孤之願也楚人執之書曰行人言使人

也書行人言非使人之罪古者兵交使在其間所以通命示整或執殺之皆以為讖也既成而後告故書在

蕭魚下石奐為介故不書 ○奐勅畧反攝如字又之涉反使所吏反 ○諸侯之師觀兵于

鄭東門鄭人使王子伯駢行成甲戌晉趙武入盟鄭伯

冬十月丁亥鄭子展出盟晉侯杜二盟不書不告 十二月戊寅

會于蕭魚

杜經書秋史失之

庚辰赦鄭囚皆禮而歸之納斥侯

杜不相備也○斥徐音尺又昌夜反

禁侵掠

林諸侯各止侵掠務相信厚

晉侯使叔矜

告于諸侯

杜叔矜叔向也告諸侯亦使赦鄭囚○掠音亮矜許乙反

公使臧孫紇對

曰凡我同盟小國有罪大國致討苟有以藉手鮮不赦

宥寡君聞命矣

杜言晉封小國有藉手之功則赦其罪人德義如是不敢不承命○藉在夜反

鮮息淺反宥音又

○鄭人賂晉侯以師悝師觸師蠲

悝觸蠲皆樂師名○

悝苦回反蠲古玄反又音圭

廣車軼車淳十五乘甲兵備

杜廣車軼車皆兵車

名淳耦也林廣車相耦允十五乘○廣古曠反軼徒温反淳述倫反徐之倫反乘繩證反下同

凡兵

車百乘

他兵車及廣
軌共百乘

歌鐘二肆

肆列也縣鐘十六為一
肆二肆三十二枚○肆

音

及其罇磬

罇磬皆樂器
罇音博

女樂二八

十六人

晉侯以樂之

半賜魏絳曰子教寡人和諸戎狄以正諸華

在四年

八年

之中九合諸侯如樂之和無所不諧

杜諧亦和也○九
合諸侯謂五年會

戚又會城棣救陳七年會戚八年會刑丘九年盟于戲
十年會柎又伐鄭成虎牢十一年同盟亳城此又會蕭

魚

請與子樂之

杜共此樂○樂
音洛一音岳

辭曰夫和戎狄國之福

也八年之中九合諸侯諸侯無慝

林諸侯無
邪慝之行

君之靈也

二三子之勞也臣何力之有焉抑臣願君安其樂而思

其終也詩曰樂只君子殿天子之邦

杜詩小雅也謂諸侯有樂美之德可

以鎮撫天子之邦殿鎮也○殿都適反下同

樂只君子福祿攸同

攸所便蕃也

左右亦是帥從

便蕃數也言遠人相帥來服從便蕃然在左右○蕃音煩

夫樂以安

德義以處之禮以行之信以守之仁以厲之而後可以

殿邦國同福祿來遠人所謂樂也

林樂以導和故可以安和心中之德義者

宜也故可以處置天下之事禮者理也故可順理以行其教令信者實也故可愬實以守其所行仁者忠厚之至也故可以仁厚飭厲其風俗五德皆備而後可以鎮安邦國同受上天之福祿懷來遠方之人所謂樂也

德為主非但金石

書曰居安思危

逸

思則有備有備無患

林先事而

思則事事有其備先

敢以此規
杜規

公日子之教敢不

承命抑微子寡人無以待戎

杜待遇

不能濟河

林晉有戎患則

日虞四竟之押聳不能濟河而南服鄭

夫賞國之典也藏在盟府

司盟之府有賞

制之功

不可廢也

林君不可廢而不用臣不可廢而不受

子其受之魏絳於

是乎始有金石之樂禮也

禮大夫有功則賜樂

○秦庶長鮑庶長

武帥師伐晉以救鄭

杜庶長秦爵也
不書救鄭已屬晉無所救
○長丁大夫

鮑先

入晉地士魴御之少秦師而弗設備

林士魴以庶長鮑之師少弱而弗設

戰守之備
御魚呂反

壬午武濟自輔氏

杜從輔氏渡河

與鮑交伐晉師

己丑秦晉戰于櫟晉師敗績易秦故也

杜不書敗績晉恥易秦而敗故

不告也櫟晉地○櫟力的反徐失灼反易以豉反

經庚子十有二年春王三月莒人伐我東鄙圍台

杜琅邪費縣南

有台亭○台勅才反又音臺又翼之反

季孫宿帥師救台遂入鄆

鄆莒邑○鄆音

運○夏晉侯使士魴來聘○秋九月吳子乘卒

杜五年會於戚

公不與盟而赴以名林壽夢卒子諸樊立吳始書卒

○冬楚公子貞帥師侵宋○

公如晉

傳十二年春莒人伐我東鄙圍台

林台魯東鄙邑

季武子救台

遂入鄆

杜乘勝入鄆報見伐

取其鐘以為公盤

林盤食器也以鐘之金鑄為襄公之

器盤

○夏晉士魴來聘且拜師

杜謝前年伐鄭師

○秋吳子壽夢

卒

杜壽夢吳子之號

臨於周廟禮也

林臨哭也杜周廟文王廟也周公出文王故魯立其

廟吳始通故曰禮臨力蔭反下同

凡諸侯之喪異姓臨於外

杜於城外向其國

同姓於宗廟

杜所出王之廟

同宗於祖廟

杜始封君之廟

同族於禰廟

杜父廟也同族謂高祖以下禰乃禮反

是故魯為諸姬臨於周廟

杜諸姬同姓國

○為干偽反下皆同

為邢凡蔣茅胙祭臨於周公之廟

杜即祖廟也六國皆

周公之支子別封為國共祖周公○邢音刑蔣將丈反案富辰所稱邢在蔣下今傳在凡上未知何者為是胙

才故反祭惻
界反徐如字

○冬楚子囊秦庶長無地伐宋師于楊梁

以報晉之取鄭也

林無地庶長名杜取鄭在前年梁國
雖陽縣東有地名楊梁○長丁丈反

下同 ○靈王求后于齊齊侯問對於晏桓子桓子對曰先

王之禮辭有之

林言先王講禮
之辭命有之

天子求后於諸侯諸侯

對曰夫婦所生若而人

杜不敢譽亦不敢
毀故曰若如人

妾婦之子若

而人

杜言非
適也

無女而有姊妹及姑姊妹則曰先守某公

之遺女若而人齊侯許昏王使陰里結之

陰里周大夫
結成也為十

五年劉夏逆王后
傳○守手又反

○公如晉朝且拜士魴之辱禮也杜

勳聘在此年夏嫌君臣不敵故曰禮

○秦嬴歸于楚

林秦景公妹為楚共王夫人歸嫁也○嬴

音楚司馬子庚聘于秦為夫人寧禮也

杜子庚莊王子午也諸侯夫人父母

既沒歸寧使卿故曰禮

經 丑 十有三年春公至自晉○夏取郟

杜郟小國也任城亢父縣有郟

亭傳例曰書取言易也○郟音詩

○秋九月庚辰楚子審卒

杜共王也成二年大

夫盟于蜀林共王卒子康王昭立

○冬城防

林防臧氏邑

傳 十三年春公至自晉孟獻子書勞于廟禮也

杜書勳勞於策

也桓二年傳曰公至自唐告於廟也凡公行告於宗廟反行飲至舍爵策勳馬禮也桓十六年傳又曰公至自

伐鄭以飲至之禮也然則還告廟及飲至及書勞三事
偏行一禮則亦書至悉闕乃不書至傳因獻子之事以

發明凡例○夏部亂分為三杜國分為三部志力各異師救邾遂取之

釋例詳之魯師也經不稱師不滿二千五百人傳通言之凡書取言易也不用師徒及用師徒而不勞雖

國亦取用大師焉曰滅敵人距戰新獲俘馘用力難重雖邑亦曰滅弗地曰入

謂勝其國邑不有其地○荀罃士魴卒林荀罃中軍將士魴下軍佐晉侯蒐于

緜上以治兵為將命軍帥也必蒐而命之所以與衆共使士匄將中軍辭曰

伯游長杜伯游荀偃長丁大夫反昔臣習於知伯是以佐之非能賢

也七年韓厥老知罃代將中軍士匄佐之匄今將讓故謂爾時之舉不以已賢事見九年請從伯

游荀偃將中軍

杜代荀瑩

士臼佐之

位如故

使韓起將上軍辭

以趙武又使欒黶

杜以武位卑故不聽更命黶

辭曰臣不如韓起韓

起願上趙武君其聽之使趙武將上軍

武自新軍起四等代荀偃韓

起佐之

位如故

欒黶將下軍魏絳佐之

杜黶亦如故絳自新軍佐超一等代

士新軍無帥

杜將佐皆違

晉侯難其人使其什吏率其卒乘官屬

以從於下軍禮也

得慎舉之禮○難乃且反或如字什音十卒子忽反乘繩證反

晉國

之民是以大和諸侯遂睦君子曰讓禮之主也范宣子

讓其下皆讓欒黶為汰弗敢違也晉國以平數世賴之

刑善也夫

林范宣子始以中軍讓其下諸卿皆從而讓雖以樂厲最為汰侈亦讓韓起弗敢違及晉

國之政所以和平數世子弟猶足倚賴刑法也言士每以遜讓為羣臣法至善也○汰音泰數所主反夫音扶

一人刑善百姓休和可不務乎

林一人以善而示法於衆百姓化於善皆休美

而和平可不以行善為先務乎書曰一人有慶兆民賴之其寧惟永其

是之謂乎

杜周書曰刑也一人天子也寧安也永長也義取上有好善之慶則下賴其福周之

興也其詩曰儀刑文王萬邦作孚

杜詩大雅言文王善用法故能為萬國所

信孚言刑善也及其衰也其詩曰大夫不均我從事獨

賢

杜詩小雅刺幽王役使不均故從事者怨恨稱已之勞以為獨賢無讓心言不讓也世之

治也君子尚能而讓其下

杜能者在下位則貴尚而讓之

小人農力以

事其上是以上下有禮而讒慝黜遠由不爭也謂之懿

德及其亂也君子稱其功以加小人

杜加陵也君子在位者○遠于萬反

又如小人伐其技以馮君子

杜馮亦陵也自稱其能為伐○技其綺反馮皮冰反

是以上下無禮亂虐並生由爭善也

爭自善也謂之昏德國

家之敝恒必由之

杜傳言晉之所以興

○楚子疾告大夫曰不穀

不德少主社稷生十年而喪先君未及習師保之教訓

而應受多福

林師保皆教太子官言少小未及習熟教訓多福謂為君○少詩照反喪息浪反

是以不德而亡師于鄢

杜鄢在成十六年。鄢音偃。

以辱社稷為大

夫憂其弘多矣

林弘大也。既辱且憂弘大衆多。

若以大夫之靈獲保首

領以歿於地唯是春秋窀穸之事

杜窀厚也。穸夜也。厚夜猶長夜。春秋謂祭

祀長夜謂葬埋。張倫反。又徒門反。窀音夕。

所以從先君於禰廟者

杜

先君代為禰廟請為靈若厲

欲受惡謚以歸先君也。亂而不損曰靈。戮殺不辜曰厲。

大夫

擇焉莫對及五命乃許秋楚共王卒子囊謀諡大夫曰

君有命矣子囊曰君命以共若之何毀之

林言君臨終之命其辭甚

恭若之何以惡謚而毀滅之。共音恭。下同。

赫赫楚國而君臨之撫有蠻夷

奄征南海以屬諸夏而知其過可不謂共乎請諡之共

大夫從之

杜傳言子囊之善

○吳侵楚養由基奔命子庚以師

繼之

杜子庚楚司馬

養叔曰吳乘我喪謂我不能師也

杜養叔養由基

也

必易我而不戒

戒備也○易以豉反

子為三覆以待我

杜覆伏兵林全

子庚設伏兵三處以待我師○覆扶又反

我請誘之子庚從之戰于庸浦

杜庸

浦楚地○浦判五反

大敗吳師獲公子黨君子以吳為不弔

杜不用天

道相弔恤

詩曰不弔昊天亂靡有定

杜言不為昊天所恤則致罪也為明年會向傳

○冬城防書事時也

土功雖有常節通以事聞為時

於是將早城臧武

仲請俟畢農事禮也

林得城
築之禮

○鄭良霄太宰石奩猶在

楚

杜十一年楚
人執之至今

石奩言於子囊曰先王卜征五年

杜先
征五

年而卜吉凶也
征謂巡守征行

而歲習其祥祥習則行

杜五年五卜皆
同吉乃巡狩

不習則增修德而改卜

不習謂卜不吉○不習則增絕
句一本無增字則連下總為句

今楚實不競行人何罪

杜不能修
德與晉競

止鄭一卿以除其偏

杜一卿
謂良霄

使睦而疾楚以固於晉焉用之

位不偏則大臣
睦怨疾楚則事

晉固○焉
於虔反

使歸而廢其使

杜行而見執於楚鄭又遂堅
事晉是鄭廢本見使之意○

其使所
之反

怨其君以疾其大夫而相牽引也

林使相牽引
令鄭國不和

而事晉不固 不猶愈乎楚人歸之

經士 十有四年春王正月季孫宿叔老會晉士匄齊人

宋人衛人鄭公孫蠆曹人莒人邾人滕人薛人杞人小

邾人會吳于向林叔老聲伯子也魯使二卿會晉敬事

叔老雖介亦列於會也齊崔杼宋華閱衛北宮括在會

情慢不攝故貶稱人蓋缺以督率諸侯獎成霸功也吳

來在向諸侯會之 故曰會吳向鄭地 ○二月乙未朔日有食之無傳 ○夏四

月叔孫豹會晉荀偃齊人宋人衛北宮括鄭公孫蠆曹人莒人邾人滕人薛人杞人小邾人伐秦杜齊宋大夫不書義與向

同林晉秦兵爭始於韓而終於十三國之伐

○已未衛侯出奔齊

杜諸侯之策書孫寤

逐衛侯春秋以其自取奔亡之禍故諸侯失國者皆不書逐君之賊也不書名從告林獻公出奔衛人立公孫

剽

○莒人侵我東鄙

無傳報入鄆

○秋楚公子貞帥師伐吳

○冬季孫宿會晉士匄宋華閱衛孫林父鄭公孫薑莒

人邾人于戚

林戚孫林父邑於是衛孫林父立公孫剽而晉會於戚以定之襄昭之際大夫無君

之禍晉為之也悼公之德衰矣

傳十四年春吳告敗于晉

杜前年為楚所敗

會于向為吳謀楚

故也

○謀為吳伐楚為于偽反

范宣子數吳之不德也以退吳人

杜吳

伐楚喪故以為不德數而遣之卒不為伐楚

執莒公子務婁

在位不書非卿○務徐莫侯反

又如字婁力侯反或力俱反

以其通楚使也

莒貳於楚故比年伐魯○使所吏反

將執

戎子駒支

駒支戎子名

范宣子親數諸朝

行之所在亦設朝位

曰來姜

戎氏昔秦人迫逐乃祖吾離于瓜州

四蕝之後皆姜姓又別為允姓瓜州

地在今燉煌○迫音百瓜古華反

乃祖吾離被苫蓋

林蓋苫之別名杜言汝祖無氈裘可

衣所被服者苫蓋也○被曾皮反苫式占反蓋戶臘反爾雅曰自蓋謂之苫

蒙荆棘以來歸

我先君

林汝祖無土地可居所蒙冒者荆棘也

我先君惠公有不腆之田

腆厚也○映他典反

與女剖分而食之

中分為剖○女音汝下同剖曾口反

今諸侯

之事我寡君不如昔者蓋言語漏洩則職女之由

杜職主也

林由汝諸戎實主漏洩

○泄息列反徐以世反詰朝之事爾無與焉

杜詰朝明旦不使復

得與會事○詰起吉反

朝如字與音預亦同 與將執女對曰昔秦人負恃其

衆貪于土地逐我諸戎惠公蠲其大德

杜蠲明也林明其存亡繼絕之

大謂我諸戎是四嶽之裔胄也

四嶽堯時方伯姜姓也裔遠也胄後也○裔以

制反曹直又反母是翦棄

杜翦削也○母音無

賜我南鄙之田狐狸所居

豺狼所嗥我諸戎除翦其荆棘驅其狐狸豺狼以為先

君不侵不叛之臣至于今不貳

林言其地荒穢皆狐狸所居處其地辟野皆豺

狼所嗥嘯我諸戎除刻翦削其荆棘而耕種之驅逐其
狐狸豺狼而居處之以臣事晉之先君不內侵亦不外
叛至于今日不敢攜貳○狸昔文公與秦伐鄭秦人竊
力之反豺仕皆反嗥戶羔反

與鄭盟而舍戍焉

杜在僖二十年

於是乎有殺之師

在僖三十年○殺

戶交反

晉禦其上戎亢其下

亢猶當也○亢苦浪反

秦師不復我諸

戎實然

林穀之戰秦人匹馬隻輪無返者我諸戎效力攻秦實使之然

譬如捕鹿晉人

角之諸戎掎之

林角者當其頭也掎者踣其足也○捕音步徐又音賦掎居綺反

與晉

踣之

杜踣僵也○踣蒲北反又數豆反

戎何以不免自是以來晉之百

役與我諸戎相繼于時

言給晉役不曠時

以從執政猶殺志也

杜意常如穀
無中二也
豈敢離邊今官之師旅無乃實有所闕以

攜諸侯而罪我諸戎我諸戎飲食衣服不與華同贄幣

不通言語不達何惡之能為
林諸戎飲食腥羶之味衣服理毳之服不與中國同其嗜好執贄莫

幣不通中國之禮交言接語不達中國之不與於會亦

無曹馬
曹闕也○與音預曹莫贈反徐武登反又武忠反
賦青蠅而退
杜青蠅詩小雅

取其愷悌君子無信
讒言○蠅以仍反
宣子辭焉
杜辭謝
使即事於會成愷

悌也
成愷悌不信讒也不書者戎為晉屬不得特達
於是子叔齊子為季武子

介以會自是晉人輕魯幣而益敬其使
杜齊子叔老字也言晉敬魯使

經所以並書二卿○使所吏反

○吳子諸樊既除喪

諸樊吳子秉之長子也乘卒至此春

已七月既葬而除喪

將立季札

杜札諸樊少弟札側八反

季札辭曰曹宣公

之卒也諸侯與曹人不義曹君

杜曹君公子負芻也殺大子而自立事在成十

三年將立子臧

其事在成十五年

子臧去之遂弗為也以成曹君

林子臧遂奔宋不肯為君成十六年晉歸曹伯

君子曰能守節君義嗣也

杜諸樊適

子故曰義嗣

誰敢奸君有國非吾節也札雖不才願附於子

臧以無失節固立之棄其室而耕乃舍之

傳言季札之讓且明吳兄

弟相傳○奸音干

○夏諸侯之大夫從晉侯伐秦以報櫟之役

也

櫟役在十一年

晉侯待于竟使六卿帥諸侯之師以進

杜言經所

以不稱晉侯

及涇不濟

杜諸侯之師不肯渡也涇水出安定朝那縣至京兆高陸縣入

渭

叔向見叔孫穆子穆子賦匏有苦葉

杜詩邶風也義取於深則厲淺

則揭言已志在於必濟

匏白交反叔向退而具舟魯人莒人先濟鄭子

蟠見衛北宮懿子曰與人而不固取惡莫甚焉若社稷

何

林子蟠即公孫黃懿子即北公括言與人同伐而持心不固不肯濟水取惡於人莫甚於此

懿子

說二子見諸侯之師而勸之濟濟涇而次

杜傳言北宮括所以書於

伐秦秦人毒涇上流師人多死

杜飲毒水故

鄭司馬子蟠帥

鄭師以進師皆從之至于棫林

杜棫林秦地○棫位逼反徐十自反又於鞠反

不獲成焉

杜秦不服

荀偃令曰雞鳴而駕塞井夷竈

示不唯反

余馬首是瞻

言進退從已

欒黶曰晉國之命未是有也余馬

首欲東乃歸

厭惡偃自專故棄之歸

下軍從之

林厭將下軍故下軍從之歸

左

史謂魏莊子曰不待中行伯乎

杜中行伯荀偃也莊子魏絳也左史晉大夫

莊子曰夫子命從帥

杜夫子謂荀偃林言荀偃命馬首是瞻是使人各從其帥○帥所類

反下

欒伯吾帥也吾將從之從帥所以待夫子也

杜以從命

為待也欒黶下軍帥莊子為佐故曰吾帥

伯游曰吾令實過悔之何及多遺

秦禽

杜軍帥不和恐多為秦所禽獲○遺唯季反

乃命大還晉人謂之遷延

之役

遷延却退

欒鍼曰此役也報櫟之敗也役又無功晉之

恥也吾有二位於戎路

杜欒鍼欒廩弟也二位謂廩將下軍鍼為戎右

敢不恥

乎與士鞅馳秦師死焉士鞅反

杜鞅士

欒廩謂士鞅曰

余弟不欲往而子召之余弟死而子來是而子殺余之

弟也弗逐余亦將殺之士鞅奔秦

杜欒廩汰侈誣逐於士鞅也而女也

於

是齊崔杼宋華閱仲江會伐秦不書情也

杜臨事情慢不修也仲江

宋公孫師之子向之會亦如之

林向之會書齊人宋人亦如此義

衛北宮括不

書於向

亦情

書於伐秦攝也

能自攝整從鄭子蟠俱濟涇

秦伯問於士

鞅曰晉大夫其誰先亡對曰其欒氏乎秦伯曰以其汰

乎對曰然欒廩汰虐已甚猶可以免其在盈乎盈廩之子秦

伯曰何故對曰武子之德在民如周人之思召公焉愛

其甘棠況其子乎

杜武子欒書廩之父也召公奭聽訟於甘棠之下周人思之不害其樹而

作勿伐之詩在召南林言晉人之思欒書如周人之思召公周人猶愛召公之樹何況晉人而不愛欒書之子

○名上 欒廩死盈之善未能及人武子所施沒矣而廩

照反 之怨實章將於是乎在秦伯以為知言為之請於晉而

復之

杜為傳二十一年晉滅欒氏張本
○施如字又始豉反為之于偽反

○衛獻公戒孫

文子甯惠子食

杜初戒二子
欲共宴食

皆服而朝

杜服朝服
待命於朝

日盱

不召

盱盱也
盱古且反

而射鴻於囿二子從之

杜從公於囿
○射食亦反

不

釋皮冠而與之言

杜皮冠田獵之冠也
既不釋冠又不與食

二子怒孫文子

如戚

杜戚孫
文子邑

孫蒯入使

杜孫蒯孫文子之子
○使所吏反又如字

公飲之酒

使大師歌巧言之卒章

杜巧言詩小雅其卒章曰彼何
人斯居何之麋無拳無勇職為

亂階戚衛河上邑公欲以喻文子居河
上而為亂大師掌樂大夫○飲於鴆反

大師辭師曹請

為之

杜辭以為不
可師曹樂人

初公有嬖妾使師曹誨之琴

杜誨教
也○嬖

必計反

師曹鞭之公怒鞭師曹三百故師曹欲歌之以怒

孫子以報公公使歌之遂誦之

林師曹既歌恐孫蒯不解故遂誦言之

蒯

懼告文子文子曰君忌我矣弗先必死

杜欲先公作亂

并帑於

戚

林帑妻子也乃并妻子皆居於戚○并必政反帑音奴

而入見蘧伯玉曰君之

暴虐子所知也大懼社稷之傾覆將若之何

杜伯玉蘧瓊○蘧其

居反覆芳服反

對曰君制其國臣敢奸之

杜奸猶犯也

雖奸之庸知

愈乎

杜言遂君更立未知當差否

遂行從近關出

杜懼難作欲速出竟

公使子

蟠子伯子皮與孫子盟于丘宮孫子皆殺之

杜三子衛羣公子疑

孫子故盟之丘公近
戚地○嬌居表反

四月己未子展奔齊

子展衛
獻公弟

公如

郵

杜郵衛地
○郵音絹

使子行於孫子孫子又殺之

杜使往請和
也子行羣公

子

公出奔齊孫氏追之敗公徒于阿澤

杜濟北東阿縣
西南有大澤

郵人執之

杜公徒因敗散
還故為公執之

初尹公佗學射於庾公差庾

公差學射於公孫卞二子追公

杜二子佗與差為孫氏
逐公○佗徒何反差初

佳反徐
初宜反

公孫丁御公

杜為公
御也

子魚曰射為背師不射為

戮射為禮乎

杜子魚庾公差禮射不求中
○射食亦反下同皆音侃

射兩鞬而還

杜鞬車輓卷者○鞬
其俱反徐古豆反

尹公佗曰子為師我則遠矣乃反

之杜他不從丁學故言遠始與公差俱退悔而獨遠射丁○為於偽反公孫丁授公轡而

射之貫臂

杜貫他臂○貫古亂反一音官

子鮮從公

子鮮公母弟○鮮音仙

及竟

公使祝宗告亡且告無罪

杜告宗廟也

定姜曰無神何告若

有不可誣也

杜誣欺也定姜公適母材言若無鬼神尚何所告若有鬼神不可欺誣也

有罪

若何告無舍大臣而與小臣謀一罪也先君有冢卿以

為師保而蔑之二罪也

杜謂不釋皮冠之比○舍音捨

余以巾櫛事先

君而暴妾使余三罪也

林巾悅手者櫛理髮者言我事定公為夫人而暴虐使我如遇

婢妾○櫛側乙反

告亡而已無告無罪

杜時姜在國故不使得告無罪

公使厚

成叔弔于衛曰寡君使瘠聞君不撫社稷而越在他竟

杜越遠也瘠厚成叔名○瘠在亦反

若之何不弔以同盟之故使瘠敢私

於執事

杜執事衛諸大夫

曰有君不弔有臣不敏君不赦宥臣

亦不帥職增淫發洩其若之何

林為人君而不弔恤為臣之難為人臣而不敏

達為君之難君既不赦宥其臣之過失臣亦不帥循其臣之職分君臣如此增其淫慝發洩而為逐君之事其

將如之何哉衛人使大叔儀對

杜大叔儀衛大夫○大音泰

曰羣臣

不佞得罪於寡君寡君不以即刑而悼棄之

林不以羣臣就於刑

幾乃自傷悼違棄之而去

以為君憂君不忘先君之好辱弔羣臣又

重恤之

林重恤謂愍其不達也○好呼報反重直用反下同

敢拜君命之辱重拜

大貺

杜謝重恤之賜

厚孫歸

林厚孫即厚城叔

復命語臧武仲曰衛君

其必歸乎有大叔儀以守

杜守於國○語魚據反守手又反

有母弟鱄

以出或撫其內或營其外

林母弟鱄即子鮮大叔儀鎮撫於其內母弟鱄經營於其

外○鱄徐市總反又音專

能無歸乎齊人以邾寄衛侯

邾齊所滅邾國○邾音來

及其復也以邾糧歸

林言其貪

右宰穀從而逃歸衛人將殺

之杜穀衛大夫也以其從君故欲殺之○從才用反又如字

辭曰余不說初矣

言初從君

非說之不獲已耳○說音悅下同

余狐裘而羔袖

林以狐為裘至美也以羔為袖則有少惡

喻已一身盡美雖從君以乃赦之衛人立公孫剽杜剽

出其惡不多○神在又反孫林是為殤公○剽匹妙孫林父甯殖相之以聽命於

反又甫遙反字林父召反諸侯杜聽盟會之命相息亮反衛侯在邾臧紇如齊唁衛侯林弔失

○唁魚變反衛侯與之言虐林衛侯與臧武仲言皆暴虐之事退而告其人

曰衛侯其不得入矣其言糞土也亡而不變何以復國林其

言皆踐踏羣臣如土芥者也既亡而不改變其志何以為反國之本杜武仲不書未為卿子展子鮮

聞之見臧紇與之言道杜順道臧孫說林臧孫即臧武仲謂其人

曰衛君必入夫二子者或輓之或推之欲無入得乎林前

率為輓後送為推杜為二十六年衛侯歸傳○輓音晚推如字又他回反○師歸自伐秦晉

侯舍新軍禮也

林晉悼公廢新軍不用得侯成國不過國置軍之禮○舍音捨下同

半天子之軍

林成國大國也軍制不過居天子之半

周為六軍諸侯之大

者三軍可也於是知朔生盈而死

杜朔知螢之長子盈朔弟也盈生而朔死

○知音智

盈生六年而武子卒彘衰亦幼皆未可立也新軍

無帥故舍之

杜衰士魴子也十三年荀螢士魴卒其子皆幼未任為卿故新軍無帥遂舍之○彘

直例反帥所類反

○師曠侍於晉侯

師曠晉樂太師名

晉侯曰衛人出

其君不亦甚乎對曰或者其君實甚良君將賞善而刑

淫養民如子蓋之如天容之如地民奉其君愛之如父

母仰之如日月敬之如神明畏之如雷霆其可出乎夫

君神之主而民之望也

林奉祭祀故為神之主施德惠故繫民之望○出如字徐音黜

震徒丁反又音挺本又作電

若困民之主

林困苦其民以主其國

匱神之祀百

姓絕望社稷無主將安用之弗去何為天生民而立之

君使司牧之勿使失性

林使司主萬民而牧養之勿使其民失其性情之正○去起呂

反有君而為之貳

杜貳卿佐

使師保之勿使過度

林使為師為保以輔

導其君之德業勿使其君越於法度之外

是故天子有公諸侯有卿卿置側

室

杜側室支子之官

大夫有貳宗

杜貳宗宗子之副貳者

士有朋友庶人

工商皂隸牧圉皆有親暱

林執技藝曰工通貨賄曰商造成事曰皂屬於吏曰隸養

牛曰牧養馬曰圉○暱女乙反

以相輔佐也善則賞之

杜賞謂宣揚

過則匡

之

杜匡正也

患則救之

杜救其難也

失則革之

杜革更也

自王以下各

有父子兄弟以補察其政

杜補其愆過察其得失

史為書

杜謂大史之官

瞽為詩

瞽盲者為詩以風刺

工誦箴諫

工樂人也誦箴諫之辭○箴之林反

大夫規

誨

規正諫誨其君

士傳言

杜士卑不得徑達聞君過失傳告大夫○傳直專反

庶人謗

庶人

不與政聞君過則誹謗

商旅于市

旅陳也陳其貨物以示時所貴尚

百工獻藝

獻其

技藝以故夏書曰道人以木鐸徇于路林舉夏書庸征

喻政事行人之官也木鐸木舌金鈴徇於路官師相規官師大夫自相

求歌謠之言道在由反徐在幽反工執藝事以諫杜所謂正月孟春於是乎有之諫失夫自相

常也杜有道人徇路之事杜恐天之愛民甚矣豈其使

一人肆於民上肆放也以從其淫而棄天地之性必不然

矣杜傳善師曠能因問盡秋楚子為庸浦之役故在前

年為子囊師于棠以伐吳吳不出而還子囊殿杜殿

于偽反殿多以吳為不能而弗傲吳人自臯舟之隘要而擊

之

鼻舟吳險阨之道
隘於懈反要一遠反

楚人不能相救吳人敗之獲楚

公子宣穀

傳言不備
不可以師

○王使劉定公賜齊侯命

杜將昏
於齊故

也定公劉夏位賤以能
而使之傳稱謚舉其終

曰昔伯舅太公右我先王股肱

周室師保萬民世胙大師以表東海

杜胙報也表顯也
謂顯封東海以報

太師之功○右
晉又胙才故反

王室之不壞繫伯舅是賴

杜繫發聲○
壞如字服本

作懷繫
烏兮反

今余命女環

環齊靈公名○女
音汝環戶關反

茲率舅氏之典

纂乃祖考無忝乃舊敬之哉無廢朕命

杜纂繼也因昏
而加褒顯傳言

王室不能
命有功

○晉侯問衛故於中行獻子

杜問衛逐君當
討否獻子荀偃

對曰不如因而定之衛有君矣

杜謂荆已立

伐之未可以得

志而勤諸侯史佚有言曰因重而撫之

重不可移就撫安之○佚音逸

仲虺有言曰亡者侮之亂者取之推亡固存國之道也

杜仲虺湯左相林亡者人侮之亂者人取之因其亡而推之因其存而固之此國家之常道也○虺許鬼反

君其定衛以待時乎

杜待其昏亂之時乃伐之

冬會於戚謀定衛也

定立

○范宣子假羽毛於齊而弗歸齊人始貳

析羽為旌王者

游車之所建齊私有之因謂之羽毛宣子聞而借觀之

○楚子囊還自伐吳卒將

死遺言謂子庚必城郢

林子庚司馬公子午也當代子囊為令尹故子囊遺言令必城

郢蓋楚徙都郢未有城郭公子變公子儀因築城
為亂事未得訖子囊欲訖而未暇故遺言見意 君子

謂子囊忠君薨不忘增其名

杜謂前年謚君為共

將死不忘衛社

稷可不謂忠乎忠民之望也詩曰行歸于周萬民所望忠

也 杜詩小雅忠信為周言德行歸於忠信即為萬民所瞻望○行下並反



左傳杜林合注卷二十七

欽定四庫全書

經部

左傳杜林合注卷

二十八至
三十一

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官中書_臣牛稔文

謄錄監生_臣

趙寅

欽定四庫全書

左傳杜林合注卷二十八

明

王道焜

趙如源 同編

襄公四

經

癸卯

十有五年春宋公使向戌來聘二月己亥及向戌

盟于劉○劉夏逆王后于齊

劉采地夏名也天子卿書字劉夏非卿故書名天子

無外所命則成

故不言逆女

○夏齊侯伐我北鄙圍成公救成至遇

無傳遇魯地書至遇

○季孫宿叔孫豹帥師城成郭

齊傳

故夏城非例所譏

○秋八月丁巳日有食之

杜無傳八月無丁巳丁巳七月一日

也日月必有誤

○邾人伐我南鄙○冬十有一月癸亥晉侯周

卒

凡四同盟○悼公卒子平公彪立

傅十五年春宋向戌來聘且尋盟

報二年豹之聘尋見十一年毫之盟

孟獻子尤其室

尤責過也

曰子有令聞而美其室非所望也

對曰我在晉吾兄為之毀之重勞且不敢聞

傳言獻子友于兄且

不隱其實○聞音問重直用反問問廁之間

○官師從單靖公逆王后于齊

卿不行非禮也

杜官師劉夏也天子官師非卿也劉夏獨過魯告昏故不書單靖公天子不親

昏使上卿逆而公監之故曰卿不行非禮

○楚公子午為令尹

林公子午即子庚杜代子

囊

公子罷戎為右尹蒞子馮為大司馬

杜子馮叔敖從子○罷音皮蒞

于委反馮皮冰反

公子橐師為右司馬公子成為左司馬屈到

為莫敖

杜屈到屈蕩子○橐音託成音城屈居勿反

公子追舒為箴尹

杜追舒莊

王子子南○箴之林反

屈蕩為連尹養由基為宮殿尹以靖國人

君子謂楚於是乎能官人官人國之急也能官人則民

無覲心

杜無覲覲以求幸○殿徐音救覲羊朱反覲音喻

詩云嗟我懷人寘彼

周行能官人也

杜詩周南也寘置也行列也周徧也詩人嗟歎言我思得賢人置之徧於列位則

是后妃之志以官人為急。○
寘之鼓反行戶郎反下同

王及公侯伯子男甸采衛

大夫各居其列所謂周行也

杜言自王以下諸侯大夫各任其職則是詩人周行

之志也甸采衛五服之名也天子所居千里曰圻其外曰侯服次曰甸服次曰男服次曰采服次曰衛服五百

里為一服不言侯男畧舉也

○鄭尉氏司氏之亂其餘盜在宋

亂在十年

鄭人以子西伯有子產之故納賂于宋

林鄭人以三子之父皆為尉氏

所殺故納賂于宋以請餘盜以馬四十乘

百六十匹。繩證反下同

與師箴師

慧

樂師也箴慧其名。箴扶廢反徐音伐

三月公孫黑為質焉

公孫黑子皆。質音

致

司城子罕以堵女父尉翩司齊與之良司臣而逸之

林以司臣為賢而
放之○女音汝
託諸季武子武子寘諸卞
言子罕以司臣托季

氏○卞
皮彥反鄭人醢之三人也
杜三人堵女父尉翩司齊林別言三人以見司臣獨存

師慧過宋朝將私焉
私小
其相曰朝也
相師者○相息亮反下同
慧

曰無人焉
林言無人焉可以便旋
相曰朝也何故無人慧曰必無

人焉若猶有人豈其以千乘之相易淫樂之矇必無人

焉故也
杜千乘相謂子產等也言不為子產殺三盜得賂而歸之是重淫樂而輕相國○易以鼓反輕

也矇音蒙
子罕聞之固請而歸之
言子罕能改過
○夏齊侯圍成貳

於晉故也
杜不畏霸王故敢伐魯
於是乎城成郛
林郛郭也於是魯城成郛以備

齊 ○秋邾人伐我南鄙亦貳於晉故使告于晉晉將為會以

討邾莒杜十二年十四年莒人伐魯未之討也晉侯有疾乃止冬晉公卒

遂不克會為明年會漢梁傳 ○鄭公孫夏如晉奔喪子驥送葬

杜夏子西也言諸侯畏晉故卿共葬 ○宋人或得玉獻諸子罕子罕弗受

獻玉者曰以示玉人杜玉人能治玉者玉人以為寶也故敢獻

之子罕曰我以不貪為寶爾以玉為寶若以與我皆喪寶也不若人有其寶稽首而告曰小人懷璧不可以越

鄉言必為盜所害納此以請死也杜請免死子罕寘諸其里

使玉人為之攻之

杜攻治也

富而後使復其所

林賈玉得富而後使或人

歸於其所居

○十二月鄭人奪堵狗之妻而歸諸范氏

林堵狗者

女父之族狗娶於晉范氏鄭人既誅女父畏狗因范氏而作亂故奪其妻歸范氏先絕之傳言鄭之有謀○堵

音者狗或作苟

經

甲辰

十有六年春王正月葬晉悼公

踰月而葬速也

○三月公

會晉侯宋公衛侯鄭伯曹伯莒子邾子薛伯杞伯小邾

子于溴梁

杜不書高厚逃歸故也溴水出河內軹縣東南至溫入河○溴古間反徐公壁反

○

戊寅大夫盟

杜諸大夫本欲盟高厚高厚逃歸故遂自共盟雞澤會重序諸侯今此間無異事即

上諸侯大夫可知林凡伯在焉而但曰諸侯者無伯也君在焉而但曰大夫者無君也是故自文而下盟于亳會于扈則有斥言諸侯而不序自襄而下渙梁之盟則有斥言大夫而不序 ○晉人執莒子

邾子以歸

杜邾莒二國數侵魯又無道於其民故稱人以執而以歸京師非禮也。執以歸始此

○齊人伐我北鄙

無傳齊二晉故

○夏公至自會

無傳

○五月甲

子地震

無傳

○叔老會鄭伯晉荀偃衛甯殖宋人伐許

杜荀

偃主兵當序鄭上方示叔老可以會鄭伯故荀偃在下林鄭非主兵也則曷為書鄭伯春秋不以大夫主諸侯則推而屬之鄭也春秋之大義夷夏之主君臣之分而已是故僖十九年盟于齊陳非主盟也不以夷狄主中國則書會陳今年伐許鄭非主兵

○秋齊侯伐我北鄙

也不以大夫主諸侯則書會鄭

圍邨

音成

○大雩

無傳書過

○冬叔孫豹如晉

傳十六年春葬晉悼公平公即位

平公悼公

羊舌肸為傅

肸叔向也代士渑濁○肸許吉反

張君臣為中軍司馬

張老子代其父

祁奚韓

襄欒盈士鞅為公族大夫

祁奚去中軍尉為公族大夫去刺職就閒官韓襄無忌子

也

虞丘書為乘馬御

代程鄭乘繩證反

改服修官烝于曲沃

既葬

改喪服修官選賢能曲沃晉祖廟烝冬祭也諸侯五月而葬既葬卒哭作主然後烝祭於廟今晉踰月葬作主而烝祭傳言晉將有

警守而下會于溴梁

林警戒晉國守備順河東

行故曰下○警居領反守手又反

命歸侵田

杜諸侯相攻取之田

以我故執邾宣

公莒犁比公

犁比莒子號也十二年十四年莒人侵魯前年邾人伐魯晉將為魯討之悼公卒不

克會故平公終其事○犁徐力私反又力兮反比音毗

且曰通齊楚之使

杜邾莒在齊楚

往來道中故并以此責之經書執在大夫盟下既盟而後告○使所吏反

○晉侯與諸侯宴

于溫使諸大夫舞

林使諸侯之大夫起舞以助歡宴

曰歌詩必類

歌古詩當

使各從義類

齊高厚之詩不類

齊有二心故

荀偃怒且曰諸侯有

異志矣使諸大夫盟高厚高厚逃歸

齊為大國高厚若此知小國必當有

從者於是叔孫豹晉荀偃宋向戌衛甯殖鄭公孫蕞小邾

之大夫盟曰同討不庭

杜自曹以下大夫不書故傳舉小邾以包之林凡諸侯朝聘皆

成禮於庭中故欲同討不來庭服○許男請遷于晉杜

者○向舒亮反戌音恤萬勅邁反許

楚叛

諸侯遂遷許許大夫不可晉人歸諸侯

唯以其師討許之不

肯建鄭子蟠聞將伐許遂相鄭伯以從諸侯之師杜鄭與許有宿

怨故其君親行○蟠居表反相息亮反穆叔從公杜從公歸○從才用反又如字齊子帥

師會晉荀偃林齊子即叔老書曰會鄭伯為夷故也杜夷平也春秋於魯

事所記不與外事同者客主之言所以為文固當異也魯卿每會公侯春秋無譏故於此示例不先書主兵之

荀偃而書後至之鄭伯時皆諸侯大夫義取皆平故得會鄭伯林杜氏謂不先書主兵之荀偃而書後至鄭伯

義取皆平故得會鄭伯然於義夏六月次于榘林庚寅無取當以經註止齊之說為正

伐許次于函氏

杜榘林函氏皆許地。榘為通反徐于目反函音咸

晉荀偃禦鷹

帥師伐楚以報宋揚梁之役

晉師獨進揚梁役在十二年。鷹於斬反

楚公

子格帥師及晉師戰于湛阪

杜襄城昆陽縣北有湛水東入汝。湛市林反又直

斬反阪音反徐扶板反

楚師敗績晉師遂侵方城之外

杜不書復

伐許而還

許未遠故復扶又反

○秋齊侯圍成

成魯孟氏邑孟

孺子速徼之

杜孟獻子之子莊子速也徼要也。徼古堯反

齊侯曰是好勇去

之以為之名

林齊靈公言孟莊子好勇以師去之不與之戰以成其名。好呼報反

速遂

塞海陘而還

杜海陘魯隘道。陘音刑徐古定反

○冬穆叔如晉聘且言

齊故

言齊再伐魯

晉人曰以寡君之未禘祀

禘祀三年喪畢之吉祭○禘大

計反

與民之未息

新伐許及楚

不然不敢忘穆叔曰以齊人之

朝夕釋憾於敵邑之地是以大請

林是以大有請於晉國○朝夕如字下同

憾

反敵邑之急朝不及夕引領西望曰庶幾乎

庶幾乎來救

比執事之間恐無及也

林若欲待晉國閒暇之時恐魯已亡無及於事○此必利反間

音見中行獻子賦圻父

杜圻父詩小雅周司馬掌封畿之兵甲故謂之圻父詩人責圻

父為王爪牙不修其職使百姓受困苦之憂而無所止居○行戶即反圻其依反父音甫

獻子曰偃

知罪矣敢不從執事以同恤社稷而使魯及此

林及此無所止

居之禍

見范宣子賦鴻雁之卒章

杜鴻鴈詩小雅卒章曰鴻鴈于飛哀鳴替替唯

此哲人謂我劬勞言魯憂用替替然若鴻鴈之失所大曰鴻小曰鴈

宣子曰句在此敢使

魯無鳩乎

林鳩集也豈敢使魯無所鳩集如鴻雁卒章所云乎○句古害反鳩居牛反

經

乙巳

十有七年春王二月庚午邾子貜卒

杜無傳宣公也四同盟

宣公卒悼公華立○

宋人伐陳○夏衛石買帥師伐

曹

買石

○秋齊侯伐我北鄙圍桃

魯奔縣東南有桃虛

高厚帥師

伐我北鄙圍防

林伐我大夫將書大夫始此自隱以來齊伐我皆書人若君將書君自文十五

年始大夫將書大夫自高厚始

○九月大雩

無傳書過

○宋華臣出奔陳

杜暴

亂宗室懼而出奔實以冬出書秋
者以始作亂時來告○華戶化反○冬邾人伐我南鄙

傳十七年春宋莊朝伐陳獲司徒印卑宋也杜司徒印陳大夫卑

宋不設備○朝如字凡人○衛孫蒯田于曹隧杜越境而獵孫

蒯林父之子○蒯飲馬于重丘重丘曹邑○飲於毀其

瓶林或以瓶為飲器但於飲重丘人閉門而詢之詢罵

詢呼曰親逐而君爾父為厲杜厲惡鬼林父逐君在十

父親逐汝君是之不憂而何以田為夏衛石買孫蒯伐

曹取重丘杜孫蒯不曹人愬于晉為明年晉人執石

齊人以其未得志于我故

前年圍成辟孟孺子

秋齊侯伐我北鄙

圍桃高厚圍臧紇于防

防臧紇邑紇恨發反

師自陽關逆臧孫

至于旅松

林魯師自陽關往逆臧紇杜陽關在泰山鉅平縣東旅松近防地也魯師畏齊不敢至防

耶叔紇臧疇臧賈帥甲三百宵犯齊師送之而復

杜耶叔紇

叔梁紇臧疇臧賈臧紇之昆弟也三子與臧紇共在防故夜送臧紇於旅松而復還守防○耶側留反齊

師去之

杜夫臧紇故

齊人獲臧堅

堅臧紇之族

齊侯使夙沙衛唁

之且曰無死

使無自殺言音彥

堅稽首曰拜命之辱抑君賜不

終姑又使其刑臣禮於士以杙抉其傷而死

杜言使賤人來唁已

是惠賜不終也。風沙衛奄人，故謂之刑。臣林戕，小木也。椽屬臧，堅義不受辱，乃以杖自挾其所傷而死。木戕，羊

職反扶，烏穴反。○冬，邾人伐我南鄙，為齊故也。齊未得志於魯，故邾

助之。○為宋華閱卒，華臣弱臯比之室。杜臣閱之弟臯比，閱之子弱，侵

于偽反。○使賊殺其宰華吳賊六人，以鉞殺諸盧門合。比音毗。

左師之後。杜盧門，宋城門，合向戌邑。後，屋後。林鉞，刀劍屬。○鉞，普皮反。左師懼曰：老

夫無罪，賊曰臯比，私有討於吳。遂幽其妻。林向戌見賊而懼，言已無

罪，賊謬言臯比私有討於華吳。遂幽華吳之妻。曰：畀余而大璧。林畀與也。而汝也。言與我

璧。玉。宋公聞之曰：臣也不唯其宗室是暴，大亂宋國。

之政

林華臣與華閱為兄弟故言不惟侵暴其宗室使賊私殺華吳是大亂宋國之政刑必逐之

左師曰臣也亦卿也大臣不順國之恥也不如蓋之

林言

華臣亦宋之卿也國有大臣不相從順此國家之恥辱不如掩蓋其罪勿問乃舍之左師為

已短策苟過華臣之門必騁

林策馬捶也向戌悔其初謀之失乃自為短馬捶助

御鞭馬惡華臣不欲俱相見故過其門必馳騁而去○騁救領反十一月甲午國人逐

瘞狗瘞狗入於華臣氏國人從之華臣懼遂奔陳

林瘞狗征

狗也杜華臣心不自安見逐狗而驚走○瘞徐居世反一音制○宋皇國父為大宰為

平公築臺妨於農收

杜周十一月今元月收斂時子罕

○大音泰為干偽反妨音房

請俟農功之畢公弗許築者謳曰澤門之哲實興我役

澤門宋東城南門也皇國父白哲而居近邑中之黔實

澤門○謳烏侯反哲星歷反徐思益反

慰我心子罕黑色而居邑中○黔徐音琴又其廉反

子罕聞之親執扑杜杜

杜扑○

扑普反以行築者而扶其不勉者曰吾儕小人皆有闔廬

以辟燥濕寒暑

杜扶決罰也林闔謂門戶閉塞○行下孟反扶恥乙反闔戶臘反廬力居反

今君為一臺而不速成何以為役

杜役事也謳者乃止林謳者本

為子罕有緩役之請今見其督役遂疑其過言乃止不謳或問其故子罕曰宋國區

區而有詛有祝禍之本也

林言以區區不足道之宋國而有詛與役者有祝緩役者

詛祝不同則喜惡不同此禍亂之本也傳善○齊晏桓
子罕分謗○區丘于反詛往慮反祝之又反

子卒

杜晏嬰父也

晏嬰麤縗斬

杜斬不絕之也縗在胸前

苴

經帶杖管屨

苴麻之有子者取其麤也杖竹杖管屨草屨○苴七徐反經直結反以苴麻為經及

帶杖禮記云苴杖竹也管古顛反屨九具反

食嚮居倚廬寢苦枕草

此禮與士喪禮

畧同其異惟枕草耳然枕苦亦非喪服正文○嚮之六反謂朝一溢米暮一溢米倚於綺反廬倚東牆而為之故曰倚廬苦傷廉反編草也枕其老曰非大夫之禮也之鳩反王儉云夏枕苦冬枕草
時之所行士及大夫練服各有不同晏子曰唯卿為大夫而行士禮其家臣不解故譏之
夫杜晏子惡直己以斥時失禮故孫辭畧答家老林諸侯之制降於天子一等故惟卿然後得用大夫之禮

晏子自言已乃大夫也視士故不當用大夫之禮

經

丙午

十有八年春白狄來

不言朝不能行朝禮

○夏晉人執衛行

人石買

石買卽是伐曹者宜卽懲治本罪而晉因其為行人之使執之故書行人以罪晉

○秋

齊師伐我北鄙

不書齊侯齊侯不入竟

○冬十月公會晉侯宋公

衛侯鄭伯曹伯莒子邾子滕子薛伯杞伯小邾子同盟

齊

杜齊數行不義諸侯同心俱圍之林同圍齊非但晉志也自圍齊之後晉師無君將雖大夫之師出無與

於諸夏之義矣曹伯負芻卒于師

無傳禮當與許男同三同盟

○芻初俱反

○楚公

子午帥師伐鄭

傳十八年春白狄始來

白狄狄之別名未嘗與魯接故曰始

○夏晉侯執

衛行人石買于長子執孫蒯于純留

杜長子純留二縣今皆屬上黨郡孫

蒯不書父在位蒯非卿○長丁丈反或如字純徒溫反或如字地理志作屯

為曹故也

杜前年衛

伐曹○為于為反

○秋齊侯伐我北鄙中行獻子將伐齊夢與

厲公訟弗勝

厲公獻子所執者

公以戈擊之首隊於前跪而戴

之奉之以走見梗陽之巫臯

杜梗陽晉邑在太原晉陽縣南臯巫名也夢并見之

○隊直位反跪其委反奉芳勇反梗古杏反

他日見諸道與之言同

巫亦夢見獻子

與厲公訟

巫曰今茲主必死若有事於東方則可以逞

林主大夫

之稱齊居東方有事謂伐齊也巫獻子許諾晉侯伐齊

將濟河獻子以朱絲係玉二鼓雙玉曰鼓。鼓古學反。而禱曰齊

環怙恃其險負其衆庶杜環齊靈公名負也。怙音戶。棄好背盟陵

虐神主杜神主民也。謂數伐魯殘民人。曾臣彪將率諸侯以

討焉杜彪晉平公名稱臣者明上有天子以謙告神曾臣猶末臣。其官臣偃實先後

之杜守官之臣偃獻子名。苟捷有功無作神羞杜羞也。官

臣偃無敢復濟偃信巫前故以死自誓。唯爾有神裁之沈玉而濟

而後濟林沈玉於河以質信於神。冬十月會于魯濟尋溴梁之

言同伐齊

漢梁在十六年盟曰同討不庭○濟子禮反

齊侯禦諸平陰塹防

門而守之廣里

杜平陰城在濟北廬縣東北其城南有防防有門於門外作塹橫行廣一里故

經書圖○塹七
艷反廣古曠反

夙沙衛曰不能戰莫如守險

謂防門不足為險

弗聽諸侯之士門焉齊人多死范宣子告析文子

析文子齊

大夫曰吾知子敢匿情乎

林言我與子相知不敢隱匿其情實○匿女力反

魯

人莒人皆請以車千乘自其鄉八

林千乘十萬五千人魯莒在齊之東言自

其鄉八蓋自東道以

既許之矣

林晉既許魯莒之請

若入君必失

國子盍圖之子家以告公公恐晏嬰聞之曰君固無勇

而又聞是弗能久矣

不能久敵晉

齊侯登巫山以望晉師

林巫山正

盧縣東北

晉人使司馬斥山澤之險雖所不至必旆而疏陳

之

杜斥侯也疏建旌旗以為陳示衆也○斥音尺又昌夜反旆步蓋反陳直覲反

使乘車者左

實右偽以旆先

杜偽以衣服為人形也建旆以先驅

輿曳柴而從之

杜輿衆也

象曳柴從車後而揚塵

齊侯見之畏其衆也乃脫歸

脫不張旗幟○脫初活反

又他外反

丙寅晦齊師夜遁師曠告晉侯曰烏烏之聲樂齊

師其遁

杜烏烏得空營故樂也○遁徒固反樂音洛

邢伯告中行伯

杜邢伯晉大夫

邢侯也中

曰有班馬之聲

林班別也夜遁馬不相見故作離別聲

齊師其

遁叔向告晉侯曰城上有烏齊師其遁

林兵衆守城烏不敢止今齊城

上有烏齊師其必遁走

十一月丁卯朔八平陰遂從齊師夙沙衛

連大車以塞隧而殿

林以大車連相塞隧道而殿軍後此衛所欲守險○殿都練反下同

殖綽郭最曰子殿國師齊之辱也

林殖綽郭最齊之勇士杜奄人殿師故以

為辱○最徐子會反

子姑先乎乃代之殿衛殺馬於隘以塞道杜恨

二子故塞其道欲使晉得之○隘於懈反

晉州綽及之射殖綽中肩兩矢夾

脰脰頸也○射食亦反中下仲反

曰止將為三軍獲林生

為三軍俘獲

不止將取其衷

杜不止復欲射兩矢中央○衷音忠

顧曰為私誓

州綽曰有如日

杜言必不殺女明如日

乃弛弓而自後縛之

杜反縛之

○弛式氏反本又作施音同

其右具丙

杜州綽之右

亦舍兵

林右主擊刺故舍兵○舍

音捨

而縛郭最皆衿甲面縛

林皆不解甲反縛惟露其面○衿其鳩反

坐于中

軍之鼓下晉人欲逐歸者魯衛請攻險

杜險固城守者

已卯荀

偃士甸以中軍克京茲

杜在平陰城東南

乙酉魏絳欒盈以下

軍克郭

欒厲死其子盈佐下軍平陰西有郭山○郭音詩

趙武韓起以上軍圍

盧

林盧齊邑

弗克十二月戊戌及秦周伐雍門之菽

秦周魯大夫趙

武及之其伐菽也雍門齊城門○雍於用反菽音秋

范鞅門于雍門其御追喜以

戈殺犬于門中

杜殺犬示間暇

孟莊子斬其櫛以為公琴

杜莊子孺

子速也櫛木名○櫛勅倫反又相倫反

己亥焚雍門及西郭南郭劉難士

弱率諸侯之師焚申池之竹木

林二子晉大夫申池齊南城西門齊城無池惟

北門有池文十八年殺懿公納諸竹中其地多竹木○難乃多反又如字

壬寅焚東郭北郭

范鞅門于揚門

齊西門

州綽門于東閭

齊東門

左驂迫還于

東門中以枚數闔

林州綽之左驂追還于齊東門之中杜枚馬搯也闔門扇也數其板示不

恐○駮七南反還音旋一音患數所主反闔戶臘反

齊侯駕將走郵棠

郵棠齊邑○郵音尤

太子與郭榮扣馬

杜太子光也榮齊大夫○扣音口

曰師速而疾略也

言欲畧行其地無久攻意將退矣君何懼焉且社稷之主不可以輕

輕則失衆君必待之將犯之大子抽劍斷鞅乃止

林齊侯將

犯之而行太子恐齊侯不止乃抽劍斷乘馬之鞅齊侯乃止不奔在馬腹曰鞅○輕遣政反斷音短

甲辰

東侵及濰南及沂

杜濰水在東莞東北至北海都昌縣入海沂水出東莞益縣至下邳入泗

○濰本又作維音同沂魚依反

○鄭子孔欲去諸大夫

林子孔即公子嘉杜欲專權

將叛晉而起楚師以去之

林知晉不與已故將叛晉而起楚師伐鄭藉楚力以去之

使告子庚子庚弗許

杜子庚楚令尹公子午

楚子聞之使揚豚尹

宜

林揚豚邑大夫名宜○豚徒門反

告子庚曰國人謂不穀主社稷而

不出師死不從禮

杜不能承先君之業死不得從先君之隆禮

不穀即位於

今五年

林即位十四年

師徒不出人其以不穀為自逸而忘

先君之業矣

杜謂已未嘗統師自出

大夫圖之其若之何子庚歎

曰君王其謂午懷安乎吾以利社稷也

杜言君王其謂我懷土而安逸

乎所以不許鄭人之請者正以休息楚國而利社稷也

見使者稽首而對曰諸侯

方睦於晉臣請嘗之

杜嘗試其難易也○使所吏反

若可君而繼之不

可收師而退可以無害君亦無辱

杜若鄭可攻楚君則以師繼其後若不可

攻臣請收兵而歸可以不為楚之志害楚君亦不至親出以受恥辱

子庚帥師治兵於汾

杜襄城縣東北有汾丘城○汾扶云反 於是子蟠伯有子張從鄭伯伐齊

杜子張公 孫黑肱 子孔子展子西守二子知子孔之謀 二子子展子西

○守手又 反下同 完守入保 完城郭 子孔不敢會楚師 林子孔見二子

有備故不敢 楚師伐鄭次於魚陵 杜魚陵魚齒山也在 南陽犇縣北鄭地

右師城上棘遂涉潁次于旃然 杜將涉潁故於水邊權 築小城以為進退之備

旃然水出滎陽成皋縣 末入汴○旃之然反 為子馮公子格率銳師侵費滑

胥靡獻于雍梁 杜胥靡獻于雍梁皆鄭邑河南陽程縣 東北有雍氏城○為木又作遂干委反

馮皮水反費扶味反 滑了八反雍於用反 右回梅山 林楚師右回鄭之梅山 杜在滎陽密縣東北○

回如字徐
胡猥反

侵鄭東北至于蟲牢而反子庚門于純門信

于城下而還

信再宿也○純如字又市荀反

涉於魚齒之下

魚齒山之下有澧水

故言涉

甚雨及之

林甚雨及於楚師

楚師多凍役徒幾盡晉人聞

有楚師師曠曰不害吾驟歌北風又歌南風南風不競

杜歌者吹律以詠八風南風音微故曰不競也師曠唯歌南北風者聽晉楚之強弱○凍丁弄反幾音祈多

死聲

林南風之中又多肅殺之聲

楚必無功董叔曰

林晉大夫

天道多在

西北

歲在豕韋月又建亥故曰多在西北

南師不時必無功

不時謂觸歲月

叔向

曰在其君之德也

言夫時地利不如人和

經

丁未

十有九年春王正月諸侯盟于祝柯

前年圍齊之諸侯也祝柯

縣今屬濟南郡柯古多反

晉人執邾子

稱人以執及民也

○公至自伐齊

無傳 ○取邾田自潞水

杜取邾田以潞水為界也潞水出東海合鄉縣西南經魯國至高平

湖陸縣入泗○鄆好號反徐音郭又虎伯反字林口郭口獲二反

○季孫宿如晉○葬

曹成公

無傳

○夏衛孫林父帥師伐齊○秋七月辛卯齊

侯環卒

杜世子光三與魯同盟林靈公卒子莊公光立

○晉士匄帥師侵齊至

穀聞齊侯卒乃還

詳錄所至及還者善得禮

○八月丙辰仲孫蔑卒

無傳 ○齊殺其大夫高厚○鄭殺其大夫公子嘉○冬葬

齊靈公

無傳

○城西郭

魯西郭○郭若夫反

○叔孫豹會晉士匄于

柯

杜魏郡內黃縣東北有柯城

○城武城

杜泰山南武城縣

傳十九年春諸侯還自沂上盟于督揚曰大毋侵小

督揚

○即祝柯也毋音死

執邾悼公以其伐我故

伐魯在十七年

遂次于泗上

疆我田

杜正邾魯之界也泗水名○疆居良反

取邾田自濼水歸之于我

邾田在濼水北今更以濼為界故曰取邾田

晉侯先歸公享晉六卿于蒲圃

杜六卿過魯

賜之三命之服軍尉司馬司空與尉侯奄皆受

一命之服

杜如鞞戰還之賜唯無先輅

賄荀偃束錦加璧乘馬先吳

壽夢之鼎

荀偃中軍元帥故特賄之五匹為東四馬為乘壽夢吳子乘也獻鼎於魯因以為名古之

獻物必有以先今以璧馬為鼎之先○乘繩證反先悉薦反又如字夢莫公反

荀偃瘴疽生瘍

於頭

杜瘴疽惡創林瘍疽屬在頭曰瘍荀偃既患惡創又生瘍於頭○瘴丁但反徐音且疽七徐反瘍音

羊濟河及著雍病目出

林因病痛而目睛努出○著張應反雍於用反

大夫先

歸者皆反士匄請見弗內請後曰鄭甥可

杜士匄中軍佐故問後也

鄭甥荀吳其母鄭女見賢通反

二月甲寅卒而視不可含

杜目開口噤○視如字徐

市至反含戶暗反下同

宣子盥而撫之曰事吳敢不如事主猶視

杜大夫稱主林言不合其心目猶開視○盥音管

欒懷子曰其為未卒事於齊

故也乎

杜懷子樂丑
○為于偽反

乃復撫之曰主苟終所不嗣事於

齊者有如河乃瞑受舍

杜嗣續也○瞑亡丁反又亡千
反袒譚以為荀偃病而目出初

死其目未合尸冷乃合非其有
所知也傳因其異而記之耳

宣子出曰吾淺之為大

夫也

自愧以
私待人

○晉欒魴帥師從衛孫文子伐齊

為懷子
之言故

也欒魴欒氏族不書兵并林
父不別告也經書夏從告

○季武子如晉拜師

杜謝
討齊

晉侯享之范宣子為政

代荀偃
將中軍

賦黍苗

杜黍苗詩小雅
美召伯勞來諸

侯如陰雨之長黍苗也喻
晉君憂勞魯國猶召伯

季武子興再拜稽首曰小國

之仰大國也如百穀之仰膏雨焉若常膏之其天下輯

睦豈唯敵邑賦六月

六月尹吉甫佐天子征伐之詩以晉侯比吉甫出征以匡王國○仰

如字徐五亮反下同膏如字徐古報反輯音集

○季武子以所得於齊之兵作

林鐘而銘魯功焉

林鐘律名鑄鐘聲應林鐘因為名

臧武仲謂季孫曰

非禮也夫銘天子令德

天子銘德不銘功

諸侯言時計功

杜舉得時

動有功則可銘也

大夫稱伐

銘其功伐之勞

今稱伐則下等也計功則

借人也

林今林鐘銘功若從稱伐之例則三等之中此為最下若欲計其功勞則借晉之力非已功也

○借如字又積亦反

言時則妨民多矣何以為銘且夫大伐小取

其所得以作彝器

杜彛常也謂鐘鼎為宗廟之常器○夫音扶彛以之反

銘其功

烈以示子孫昭明德而懲無禮也

杜昭已之明德而懲戒他人之無禮

今

將借人之力以救其死若之何銘之小國幸於大國

杜以

勝大國

為幸

而昭所獲焉以怒之亡之道也

林昭明其所獲之兵器以取怒

大國是乃危亡之道為城西郭武城傳

○齊侯娶于魯曰顏懿姬無子其

姪鬻聲姬生光以為太子

杜兄子曰姪顏鬻皆二姬母姓因以為號鬻聲皆諡○姪

直結反鬻子公反

諸子仲子戎子戎子嬖

諸子諸妾姓子者二子皆宋女○嬖必計

反仲子生牙屬諸戎子

林仲子以戎子嬖幸故以所生子托之○屬之蜀反

戎子

請以為大子許之

齊侯許之

仲子曰不可廢常不祥

廢立嫡之常

間諸侯難

林間諸侯之列事難成也。○間間側之間。

光之立也列于諸侯矣

杜列諸侯之會

今無故而廢之是專黜諸侯

謂光已有諸侯之尊

而以難

犯不祥也

林又以難成之事而犯不善

君必悔之公曰在我而已遂

東太子光

杜廢而徒之東鄙

使高厚傅牙以為太子夙沙衛為

少傅齊侯疾崔杼微逆光疾病而立之光殺戎子

林崔杼使

微服迎故太子光靈公疾病而立光以為君光怨戎子廢已故殺之。○少詩照反杼直呂反。

尸諸朝

非禮也婦人無刑

無黜刑之刑

雖有刑不在朝市

杜謂犯死刑者猶不

暴尸夏五月壬辰晦齊靈公卒

經書七月辛卯光定位而後起

莊公即位

大子執公子牙於句瀆之丘以夙沙衛易已衛奔高唐

光也

杜光謂衛教公易已高唐在祝柯縣西北○句古侯反瀆音豆

○晉士匄侵齊及

穀聞喪而還禮也

杜禮之常不必待君命林禮不伐喪故善其還師

○於四月

丁未

於此年四月

鄭公孫蕞卒赴於晉大夫范宣子言於晉

侯以其善於伐秦也

十四年晉伐秦子蟠見諸侯師而勸之濟涇

六月晉侯

請於王王追賜之大路使以行禮也

杜大路天子所賜車之總名以行葬

禮傳言大夫有功則賜服路

○秋八月齊崔杼殺高厚於灑藍而兼

其室

林高厚為公子牙太傅故殺之林灑藍齊地○灑色買反徐所綺反藍力甘反

書曰齊殺

其大夫從君於昏也

傳解經不言崔杼殺而為國討文

○鄭子孔之為

政也專

杜專權

國人患之乃討西宮之難

十年尉止等作難西宮子孔知

而不言○難乃且反下同

與純門之師

前年子孔召楚師至純門

子孔當罪以其

甲及子革子良氏之甲守

杜以自守也○守手又反下同

甲辰子展子

西率國人伐之殺子孔而分其室書曰鄭殺其大夫專

也

亦以國討為文

子然子孔宋子之子也

子然子華父

士子孔圭媯

之子也

杜宋子圭媯皆鄭穆公妾士子孔子良父○媯居危反

圭媯之班亞宋子

而相親也

○亞次也

士子孔亦相親也

林二母相親故士子孔與子然子孔亦甚

相親愛

僖之四年子然卒

杜鄭僖四年魯襄六年

簡之元年士子孔

卒

杜魯襄八年

司徒孔實相子革子良之室

杜司徒孔即子孔林司徒孔與

二父相親故相助其子○相息亮反

三室如一

杜言同心

故及於難

杜故二子并及難

子革子良出奔楚子革為右尹

林子革即鄭舟為楚右尹之官

鄭人使

子展當國子西聽政立子產為卿

林簡公猶幼故大夫當國

○齊慶

封圍高唐弗克

杜夙沙衛以叛故圍之

冬十一月齊侯圍之見衛

在城上號之乃下

杜衛下與齊侯語○號徐胡報反召也又戶刀反

問守備焉

以無備告揖之乃登

杜齊侯以衛告誠揖而禮之欲生之也衛志於戰死故不順齊侯之

揖而還
登城
聞師將傅食高唐人殖綽工儻會夜緹納師
杜殖

綽工儻會齊大夫因其會食夜緹城納齊
師○傅音附食音嗣儻力侯反緹直偽反
醢衛于軍○醢

音海
○城西郭懼齊也
杜前年與晉伐齊又鑄其器為鐘故懼
○齊及晉平

盟于大隧
大隧地關
故穆叔會范宣子于柯
齊晉平魯懼齊故為

柯會以
自固
穆叔見叔向賦載馳之四章
四章曰控于大邦誰因誰極控引也

取其欲引大
國以自救助
叔向曰盍敢不承命
叔向度齊未肯以盟服故許救齊
○

穆叔歸曰齊猶未也不可以不懼
林言齊猶未服於晉不可以不知所懼

乃城武城○衛石共子卒
杜石買共音恭
○悼子不哀
杜買之子石惡

孔成子曰是謂廢其本

杜廢猶拔也林孔成子衛大夫言父死不哀是謂拔其本○廢

其月反又居衛反

必不有其宗

為二十八年石惡出奔傳

經

戊申

二十年春王正月辛亥仲孫速會莒人盟于向

莒向

邑○向舒亮反

○夏六月庚申公會晉侯齊侯宋公衛侯鄭伯

曹伯莒子邾子滕子薛伯杞伯小邾子盟于澶淵

杜澶淵在

頓丘縣南今名繁汗此衛地又近戚田○澶市然反

○秋公至自會

無傳

○仲孫速

帥師伐邾○蔡殺其大夫公子燮

莊公子

蔡公子履出奔

楚

燮母弟也

陳侯之弟黃出奔楚

稱弟明無罪也

○叔老如齊○冬

十月丙辰朔日有食之

無傳

○季孫宿如宋

傳二十年春及莒平孟莊子會莒人盟于向督揚之盟

故也

杜莒數伐魯前年諸侯盟督揚以和解之故二國自復共盟結其好

○夏盟于澶淵

齊成故也

杜齊與晉平

○邾人驟至以諸侯之事弗能報也

林驟數也謂十五年十七年伐魯以魯國前年從諸侯之役不能報伐於邾

秋孟莊子伐邾

以報之

杜既盟而又伐之非

○蔡公子燮欲以蔡之晉

林欲背楚以蔡服事

於晉蔡人殺之公子履其母弟也故出奔楚

杜與兄同謀故

陳慶

虎慶寅畏公子黃之偪

二慶陳卿恐黃偪奪其政

愬諸楚曰與蔡司

馬同謀

林蔡司馬即公子變杜同欲之晉

楚人以為討

杜楚責陳

公子黃出

奔楚

奔楚自理

初蔡文侯欲事晉曰先君與於踐土之盟

杜先

君文侯父莊侯甲午也踐土盟在僖二十八年○與音預

晉不可棄且兄弟也畏楚

不能行而卒

林畏偪於楚不能行其言而卒宣十七年文侯卒

楚人使蔡無常

林徽發無準

公子燮求從先君以利蔡不能而死

林求從先君從晉之

言以為蔡國之利與蔡人不相能而死於禍

書曰蔡殺其大夫公子燮言不

與民同欲也

杜罪其逮衆

陳侯之弟黃出奔楚言非其罪也

稱弟罪陳侯及二慶

公子黃將出奔呼於國曰慶氏無道求專陳

國暴蔑其君而去其親五年不滅是無天也

林言三廢所為無道

求專制陳國之權陵暴欺蔑於陳侯而去陳侯兄弟之親若遇五年而不滅亡是無天道福善禍淫之理也為

二十三年陳殺二廢傳

○呼好故反去起呂反

○齊子初聘于齊禮也

林齊子即叔老

齊魯有怨朝聘禮絕今始復通故曰初繼好息民故曰禮

○冬季武子如宋報向戌

之聘也

向戌聘在十五年

褚師段逆之以受享

杜段共公子子石也逆以入享

受享禮

○賦常棣之七章以卒

杜武子賦也七章以卒盡八章取其妻子好合

如鼓瑟琴宜爾室家樂爾妻帑言二國好合宜其室家相親如兄弟

○棣大計反

宋人重賄之

歸復命公享之賦魚麗之卒章

杜魚麗詩小雅卒章曰物其有矣維其時矣喻

聘宋得其時

○麗力馳反 公賦南山有臺

杜南山有臺詩小雅取其樂只君子邦家之基邦家

之光喻武子奉使能為國光輝

武子去所曰臣不堪也

杜去所避席

○衛甯

惠子疾召悼子

杜悼子甯喜

曰吾得罪於君悔而無及也名

藏在諸侯之策曰孫林父甯殖出其君

林逐衛獻公在十四年○出如

字徐音黥

君入則掩之

杜掩惡名

若能掩之則吾子也

林若能為我納君掩

其惡名則有光其父可以為我之子

若不能猶有鬼神吾有餒而已不來

食矣

杜餒餓也餒奴罪反

悼子許諾惠子遂卒

為二十六年衛侯歸傳

左傳杜林合注卷二十八

欽定四庫全書

左傳杜林合注卷二十九 明 王道焜

趙如源 同編

襄公五

經

已酉

二十有一年

林是年十一月庚子孔子生何休註作已卯歲

春王正月公

如晉○邾庶其以漆閭丘來奔

杜二邑在 high 平南平陽縣東北有漆鄉西北有

顯閭亭以邑出為叛適魯而言來奔內外之辭林於是公猶在晉季孫宿納之也○漆徐音七閭力於反○

夏公至自晉

無傳

○秋晉欒盈出奔楚

盈不能防闕其母以取奔亡稱名罪

之 ○九月庚戌朔日有食之無傳 ○冬十月庚辰朔日有

食之無傳 ○曹伯來朝 ○公會晉侯齊侯宋公衛侯鄭伯

曹伯莒子邾子于商任商任地關

○任音壬

傳二十一年春公如晉拜師及取邾田也杜謝十八年伐齊之師邾

水之 ○邾庶其以漆閭丘來奔庶其邾大夫 季武子以公姑

姊妻之杜計公不得有未嫁姑姊蓋寡者二人公姑姊林以公之姑及姊是二人也或曰列女傳稱梁

有節姑妹謂父之姊也此云姑姊是父之姊也一人耳以杜氏為誤棄成一年楚侵及陽橋孟孫往賂以公衛為質杜云衛成公子也楚師及宋公衛逃歸臧宣叔曾云衛父不忍數年之不寡以棄魯國則公衛之年下計

猶十七八成公是其父固當三十有餘矣成二年至此
三十八歲姑又成公之姊則年近七十矣假令公衛非
成公之子猶是成公之弟成五年伯姬歸于宋伯者長
稱九年始嫁則為成公之妹成公不得有姊矣若成公
別有庶長之姊以成公公衛之年推之亦不復堪嫁故
知二人也唯公羊以成公即位年幼據左氏成四年傳
云公如晉晉侯見公不敬公歸欲求成于楚得季文子
諫而止此非年幼也反覆推之杜氏不誤。妻七計反
下皆林皆有嘗賜於庶其之從同 皆有賜於其從者 於是魯

多盜季孫謂臧武仲曰子盍詰盜

詰治也。詰起言反。

武仲曰不

可詰也紇又不能季孫曰我有四封而詰其盜何故不
可子為司寇將盜是務去若之何不能武仲曰子召外

盜而大禮焉何以止吾盜

杜吾謂國中。去起呂反下皆同。

子為正卿

而來外盜使紇去之將何以能庶其竊邑於邾以來子

以姬氏妻之而與之邑

杜使食漆間丘

其從者皆有賜焉若大

盜禮焉以君之姑姊與其大邑

林大盜謂庶其則禮貌而嫁以君之姑及姊與

之食邑其次阜牧輿馬

杜其次庶其之從者林給其賤役從阜至牧凡八等之人。阜在早

反凡八等之人謂阜與隸僚僕臺園牧也

其小者衣裳劔帶

林其小如從者之徽服亦以衣

棠劔帶賜之

是賞盜也賞而去之其或難焉

林賞其大盜去其小盜或者其

難去焉

紇也聞之在上位者洒濯其心壹以待人軌度其

信可明徵也

林洗滌其利慙之私心專壹以待乎人其法皆一度於信前後所行皆可明驗也

西禮反濯直角反度待洛反

而後可以治人夫上之所為民之歸也

上所不為而民或為之是以加刑罰焉而莫敢不懲若

上之所為而民亦為之乃其所也

林若上之人嘗盜而喜其所為則下之人

亦為盜以肆其所為亦其所宜然也

又可禁乎夏書曰念茲在茲

此逸書也茲此

也謂行此事當念使可施之於此

釋茲在茲

釋除也謂欲有所治除於人亦當顧已得無亦有之

名言茲在茲

名此事言此事亦皆當令可施於此

允出茲在茲

允信也信出於此則

善亦惟帝念功

言帝念功則功成也

將謂由已壹也

言非但意念而已當須信

已誠

信由已壹而後功可念也

林誠信之道由已專壹而後念功則功可成

庶其非卿也以地來雖賤必書重地也

重地故書其人其人書則惡名

彰以懲不義

○齊侯使慶佐為大夫

慶佐崔杼黨

復討公子牙之

黨執公子買于句瀆之丘公子鉏來奔叔孫還奔燕

三子

齊公族言莊公斥逐親戚以成崔慶之勢終有弑殺之禍。鉏仕居反還晉旋

○夏楚子庚卒

楚子使遠子馮為令尹訪於申叔豫

杜叔豫叔時姑置遠子馮私問於叔

豫叔豫曰國多寵而王弱

言弱政教而貴人強

微國不可為也遂

以疾辭方暑闕地下水而牀焉

林掘地下水其中而安牀於上。闕求月反

重繭衣裳鮮食而寢

杜繭綿衣林重綿衣裳示其寒少食而寢示其弱。繭古典反衣於

既反鮮息淺反少也下鮮過同

楚子使醫視之復曰瘠則甚矣

杜瘠瘦也。瘠瘠

在亦反而血氣未動

杜言無疾

乃使子南為令尹

杜子南公子也。追舒也為二

十二年殺追舒傳

○欒桓子娶於范宣子生懷子

杜桓子欒厲懷子盈也

范鞅以其亡也怨欒氏

十四年欒厲驪逐范鞅使奔秦

故與欒盈為公

族大夫

林十六年士鞅盈同為公族大夫

而不相能桓子卒欒祁與其

老州賓通

杜欒祁桓子妻范宣子女盈之母也范氏堯後祁姓林老欒氏之家臣也。能如字徐乃

代反幾亡室矣

杜言亂甚。幾其依反

懷子患之祁懼其討也

林懼其治

州賓之罪愬諸宣子曰盈將為亂以范氏為死桓主而專政

矣林桓主即樂廩大夫稱主也謂樂盈以范氏欺樂廩為已死而專晉國之政曰吾父逐鞅

也不怒而以寵報之林樂廩嘗逐范鞅宣子不為樂廩責怒范鞅而反與鞅寵位又

與吾同官而專之杜同為公族大夫而鞅專其權勢吾父死而益富林

樂廩死而范宣子益富強死吾父而專於國有死而已吾蔑從之矣

假言宣子專政盈欲以死作難其謀如是懼害於主吾不敢不言范鞅

為之徵林范鞅素怨懷子故證其有此謀懷子好施士多歸之宣子畏

其多士也信之杜范宣子畏樂懷子之多得士心遂信樂祁士鞅之譖。好呼報反施式鼓反

懷子為下卿

杜下軍佐

宣子使城著而遂逐之

杜著晉邑在外易逐○著

直據反又張慮反

秋欒盈出奔楚宣子殺箕遺黃淵嘉父司空

靖邴豫董叔邴師申書羊舌虎叔罷

十子皆晉大夫欒盈之黨也羊舌虎

叔向弟○邴音丙羅彼皮反

囚伯華叔向籍偃

籍偃上軍司馬

人謂叔向曰

子離於罪其為不知乎

杜離麗也林譏其受囚而不能去○知音智下同

叔向

曰與其死亡若何

杜言雖囚何若於死亡

詩曰優哉游哉聊以卒

歲知也

杜詩小雅言君子優游於衰世所以辟害卒其壽是亦知也○詩小雅素今小雅無此全句唯

采菽詩云優哉游哉亦是庚矣

樂王鮒見叔向曰吾為子請叔向弗應

出不拜

杜樂王駙晉大夫樂桓子○駙音附

其人皆咎叔向叔向曰必祁

大夫

杜祁大夫祁奚也食邑於祁因以為氏祁縣今屬大原

室老聞之

杜室老即叔向之家

臣曰樂王鮒言於君無不行

杜其言皆得行

求赦吾子吾子不

許

杜謂不應出不拜

祁大夫所不能也

杜不能動君

而曰必由之何

也叔向曰樂王鮒從君者也何能行祁大夫外舉不棄

讐內舉不失親其獨遺我乎

林言樂王鮒不能匡正其君以順從為悅者也何能

必行其言祁大夫之舉賢也其舉於外不棄解狐之讐其舉於內不失祁午之親其獨肯遺棄於我乎詩

曰有覺德行四國順之

杜詩大雅言德行直則天下順之○行下孟反

夫子覺

者也

林夫子謂祁大夫杜覺較然正直

晉侯問叔向之罪於樂王鮒對

曰不棄其親其有焉

杜言叔向篤親親必與叔虎同謀林蓋樂王鮒恨叔向不應不拜故

以此

於是祁奚老矣

杜老去公族大夫

聞之乘駟而見宣子

林駟

傳車也。駟人實反。

曰詩曰惠我無疆子孫保之

林詩周頌也言文武有惠訓之

德加於百姓故子孫保賴之。疆居良反。

書曰聖有謨勳明徵定保

杜逸書謨謀也

勳功也。言聖哲有謀功者當明信定安之。謨莫胡反。勳如字。書作訓。

夫謀而鮮過惠訓

不倦者叔向有焉

杜謀鮮過有謨勳也。惠訓不倦。惠我無疆也。

社稷之固也

猶將十世宥之以勸能者

林十成數故言十世之後子孫有罪猶將加以寬宥以勸

○免才能之士

○宥音又 今壹不免其身以棄社稷

林壹以弟故不免叔向之身以

棄絕社稷之所倚賴

不亦感乎繇殛而禹興

杜言不以父罪廢其子。繇古本反殛紀

力反伊尹放太甲而相之卒無怨色

杜太甲湯孫也荒淫失度伊尹放之桐宮

三年改悔而復之而無恨心言不一怨妨大德。大音泰相息亮反

管蔡為戮周公右

王言兄弟罪不相及。右音又

若之何其以虎也棄社稷

林如之何以叔虎之

故而棄社稷之所倚賴

子為善誰敢不勉多殺何為宣子說與之

乘以言諸公而免之

杜共載入見公。說音悅乘繩證反

不見叔向而歸

杜言為國非私叔向也

叔向亦不告免焉而朝

杜不告謝之明不為已

初叔

向之母妬叔虎之母美而不使

不使見叔向父
妬丁故反

其子皆

諫其母其母曰深山大澤實生龍蛇

杜言非常之地
多生非常之物

彼

美余懼其生龍蛇以禍女女淑族也

杜淑衰壞也
龍蛇喻奇怪也
○女汝

汝國多大寵不仁人間之不亦難乎余何愛焉

林晉國
六卿專

權多大寵愛而有奇怪殘暴不仁之人
間廁其間不亦難以免於禍乎
我又何愛於此妾而不使見於父哉

使往視寢生叔虎美而有勇力樂懷子嬖之故羊舌氏

之族及於難樂盈過於周周西鄙掠之

林樂盈奔楚道
過周地周西鄙

之人劫掠其財物
難乃旦反掠音亮

辭於行人

杜王行人也

曰天子陪臣盈

諸侯之臣稱天子曰陪臣

於得罪於王之守臣

范宣子為王所命故曰守臣。守手又反。

將逃罪重於郊甸

重得罪於郊甸謂為郊甸所侵掠也。郭外曰郊。郊外曰甸。重直用。

反甸徒練反

無所伏竄敢布其死

布陳也

昔陪臣書能輸力于

王室王施惠焉

杜輸力謂輔相晉國以翼戴天子林天子施惠賜之命服

其子廩不

能保任其父之勞大君若不棄書之力亡臣猶有所逃

大君謂天王。任音士。

若棄書之力而思廩之罪臣戮餘也

杜罪戮之

將歸死於尉氏

杜尉氏討姦之官

不敢還矣敢布四體唯大

君命焉

杜布四體言無所隱

王曰尤而效之其又甚焉

尤晉逐盈而自掠之

是效尤使司徒禁掠欒氏者歸所取焉林司徒以刑教民掌追奪盜賊之事

故使禁掠欒氏者歸其所掠取之財物使侯出諸轅轅杜侯送迎賓客之官也轅轅闕在維

氏縣東南轅音袁○冬曹武公來朝始見也即位三年始來見公○會于

商任錮欒氏也禁錮欒盈使諸侯不得受○錮音固 齊侯衛侯不敬叔向

曰二君者必不免會朝禮之經也禮政之興也政身之

守也林禮以會朝而定故會朝為禮之常經政須禮而行故禮為政之興政存則身安故政為身之守衛

怠禮失政失政不立是以亂也為二十五年齊弑光二十六年衛弑剽傳○

知起中行喜州綽邢蒯出奔齊四子晉大夫○知音智行戶郎反蒯苦怪反

皆樂氏之黨也樂王鮒謂范宣子曰盍反州綽邢蒯勇

士也宣子曰彼樂氏之勇也余何獲焉杜言不為已用王鮒曰

子為彼樂氏乃亦子之勇也杜言子待之如樂氏亦為子用也○齊莊

公朝指殖綽郭最曰是寡人之雄也林雄猶勇也州綽曰君

以為雄誰敢不雄然臣不敏平陰之役先二子鳴十八年晉

伐齊及平陰州綽獲殖綽郭最故自莊公為勇爵設爵

比於鷄鬪勝而先鳴○先志為反殖綽郭最欲與焉自以為勇○與音預丁同州綽曰東閭之役

臣左驂迫還於門中識其枚數杜識門板數亦在十八年○枚本亦作板其

可以與於此乎公曰子為晉君也

林言子之勇乃為晉君非為齊也。為干

偽反

曰臣為隸新

林言臣但為僕人尚新未得效勇耳

然二子者譬於禽

獸臣食其肉而寢處其皮矣

譬言嘗射得之。言未足以為勇也

經庚戌二十有二年春王正月公至自會無傳○夏四月○

秋七月辛酉叔老卒

無傳子叔齊子

○冬公會晉侯齊侯宋公

衛侯鄭伯曹伯莒子邾子薛伯杞伯小邾子于沙隨

林沙

隨來地

○公至自會

無傳

○楚殺其大夫公子追舒

林子南也書名

者寵近小人貪而多馬為國所患

傳二十二年春臧武仲如晉

公頻與晉侯外會今各將罷還魯之守卿遣武仲為

公謝不報故不書

雨過御叔御叔在其邑將飲酒

林御叔魯御邑大夫武仲

過之遇雨口過古未反御魚呂反又魚據反

曰焉用聖人

武仲多知時人謂之聖焉於慶反

我將飲酒而已雨行何以聖為

杜言我但欲飲酒而已無所用聖人且武仲出

行而遇雨不知晴雨何以為知且聖也

穆叔聞之曰不可使也而傲使人

林言御叔不任使四方而傲慢武仲承命出使之人○傲五報反使人所吏反

國之蠹也今倍

其賦

古者家有國邑故以重賦為罰傳言穆叔能用教○蠹下故反

○夏晉人徵朝于

鄭使朝

鄭人使少正公孫僑對

杜少正鄭卿官也公孫僑子產○少詩照

反僑其
驕反

曰在晉先君悼公九年我寡君於是即位

杜魯襄八

年即位八月

即位年
之八月

而我先大夫子駟從寡君以朝于

執事執事不禮於寡君

杜言朝執事
不敢斥晉侯

寡君懼因是行

也我二年六月朝于楚

杜因朝晉不見
禮生朝楚心

晉是以有戲之

後

在九年
戲許宜反

楚人猶競而申禮於敝邑敝邑欲從執事

而懼為大无

林競強也是年冬楚伐鄭謂申禮於鄭蓋
飾詞尤過也言鄭人雖欲從晉而懼為大

過曰晉其謂我不共有禮是以不敢攜貳於楚

林言晉
其將責

鄭不共順於有禮之國是以不敢
攜雖而有戚心於楚○共音恭

我四年三月先大夫

子蟜又從寡君以觀釁於楚

杜實朝言觀釁飾亂也言欲往視楚知可去否晉

於是乎有蕭魚之役

在十一年

謂我敝邑適在晉國警諸草

木吾臭味也

杜晉鄭同姓故

而何敢差池

杜差池不齊一〇差初宜反又初佳反一

音七河反池徐本作沱直知反又徒河反

楚亦不競寡君盡其土實

杜土地所有

重之以宗器

杜宗廟禮樂之器鐘磬之屬〇重直用反

以受齊盟

杜齊同也

遂帥

羣臣隨于執事以會歲終

言朝正于晉

貳於楚者子侯石孟

歸而討之

杜石孟石奠林葢飾詞也其實鄭使石奠告絕于楚楚人執之

湟梁之明年

林湟梁在十六年

明年則十七年矣子蟜老矣公孫夏從寡君以朝于君

見于嘗耐

杜酒之新熟重者為耐嘗新飲酒為嘗耐林蓋鄭伯見於晉君嘗耐之時。見賢通反又

如字耐直又反

與執燔焉

林燔祭肉也與執燔肉以助祭。與音預燔又作膳音煩間二年

聞君將靖東夏

杜謂二十年澶淵盟。間間廁之間又如字

四月又朝以聽

事期

杜先澶淵二月往朝以聽會期

不朝之間

林其間不朝于晉之時

無歲不聘

無後不從以大國政令之無常國家罷病不虞薦至

杜薦

初也。罷音皮荐音薦反

無日不惕宣敢忘職

惕懼也。惕他歷反

大國若安

定之其朝夕在廷何辱命焉

杜言自將往不須來召

若不恤其患

而以為口實

口實但有其言而已

其無乃不堪任命而剪為仇讐

杜剪削也謂見剝削不堪命則成執誓。仕音士。

敝邑是懼其敢忘君命委諸

執事執事實重圖之

傳言子產有辭所以免大國之討

○秋欒盪自楚

適齊晏平仲言於齊侯曰商任之會受命於晉

杜受錫欒氏之

命今納欒氏將安用之小所以事大信也失信不立君

其圖之弗聽退告陳文子曰君人執信臣人執共忠信

篤敬上下同之天之道也君自棄也弗能久矣

為二十五年齊

弒其君光傳

○九月鄭公孫黑肱有疾歸邑于公

杜黑肱子張

召

室老宗人立段

杜段子石黑肱子

而使黜官薄祭

杜殺其子段減黜其官無

多受職省薄其祭無多用牲

祭以特羊殷以少牢

杜四時祭以一羊三年盛祭祀羊豕

殷盛也

足以共祀盡歸其餘邑

林食邑足以供祭祀之外盡歸其餘於公。盡津忍

反

曰吾聞之生於亂世貴而能貧民無求焉可以後亡

林位雖貴而能不極其富國之貧民無所求欲於我可以免禍而死亡在他入後

敬共事君與

二三子生在敬戒不在富也

人之所以保其生者在於共敬而戒謹不在於極其

富有也

己巳伯張卒君子曰善哉詩曰慎爾侯度用戒不

虞鄭子張其有焉

杜詩大雅侯維也義取慎法度戒未然

○冬會于沙隨

復銅欒氏也

晉知樂盈在齊故復銅也

欒盈猶在齊晏子曰禍將作

矣齊將伐晉不可以不懼

為明年齊伐晉傳

○楚觀起有寵於

令尹子南

林子南即公子追舒

未益祿而有馬數十乘

林祿少而馬多蓋觀

起恃其寵愛招權納賄所致杜言子南徧寵觀起令富。數所主反秉繩證反

楚人患之王將

討焉子南之子棄疾為王御士

杜御王車者

王每見之必泣

棄疾曰君三泣臣矣敢問誰之罪也

林言康王凡三見臣而泣矣敢問所

以泣者其罪在誰

王曰令尹之不能爾所知也國將討焉爾其

居乎

杜問能止事我否

對曰父戮子居君焉用之洩命重刑臣

亦不為

杜漏泄君命罪之重。馬於虔反下馬皆同

王遂殺子南於朝轅觀

起於四竟

杜 輶車裂以徇。輶音惠竟音境下同。

子南之臣謂棄疾請徒

子尸於朝

林子謂子南蓋欲犯命取殞

曰君臣有禮唯二子

林言君之

殺臣臣之事君皆有禮制唯二三

三日棄疾請尸王許

之既葬其徒曰行乎

行去也

曰吾與殺吾父行將焉入

林

疾言我知王欲殺子南而不告是與殺吾父雖去他國將安所欲言無所容。與音預殺如字一音弑

曰

然則臣王乎曰棄父事讐吾弗忍也

於是事是讐於實是君故雖謂讐而不

敢遂縊而死

傳譏康王與人子謀其父失君臣之義。縊一賜反

復使蘧子馮為

令尹公子齎為司馬屈建為莫敖

屈建子木也。齎五齎反屈居勿反有

寵於蓬子者八人皆無祿而多馬他日朝與申叔豫言

弗應而退從之入於人中

杜申叔辟蓬子不欲與語

又從之遂歸

杜申

叔遂歸其家

退朝見之

杜蓬子就申叔家見之

曰子三困我於朝

林子謂申

叔不應入人中遂歸凡三困辱我於朝

吾懼不敢不見吾過子姑告我何

疾我也對曰吾不免是懼何敢告子

言吾與子并罪故不敢與子語○見

賢遍反

曰何故對曰昔觀起有寵於子南子南得罪觀起

車裂何故不懼自御而歸不能當道

林蓬子聞申叔之言惶懼自御其車

而歸意不在御故不能當道

至

林蓬子馮歸至其家

謂八人者曰吾見申叔夫

子所謂生死而肉骨也

杜已死復生
白骨更肉

知我者如夫子則

可

杜夫子為申叔也如
夫子謂以義匡已

不然請止

杜止不
相知

辭八人者而

後王安之

杜辭
遣之

○十二月鄭游販將如晉

游販公孫蠆
子。販普販

反未出竟遭逆妻者奪之以館于邑

林路遇逆妻以歸
其家者奪其妻舍

止其邑
不復行

丁巳其夫攻子明殺之以其妻行

林子明即游
販杜十二月

無丁巳丁巳十
一月十四日也

子展廢良而立大叔

按良游販子大叔
販弟。大音泰

曰國卿君之貳也民之主也不可以苟請舍子明之類

杜子明之罪而良又
不賢故。舍音捨

求亡妻者使復其所使游氏勿怨

林求亡妻而殺子明者使復其所居使游販之家勿怨
亡妻者蓋鄭國不討專殺之人所以抑疆扶弱臨時之

宜曰無昭惡也杜交怨則久之不修蓋明也

經辛亥二十有三年春王二月癸酉朔日有食之無傳○三

月己巳杞伯匄卒杜五同盟林孝公卒弟文公姑容立○姑古害反○夏邾畀

我來奔無傳畀我是庶其之黨同有竊邑叛君之罪來奔故書○畀必利反○葬杞孝公

無傳○陳殺其大夫慶虎及慶寅書名皆罪其專國叛君言及史異辭無義例

○陳侯之弟黃自楚歸于陳諸侯納之曰歸黃至楚自理得直故為楚所納○

晉欒盈復入于晉以惡入曰復入入于曲沃兵敗奔曲沃據曲沃泉還與君爭非

欲出附他國
故不言叛

○秋齊侯伐衛遂伐晉

杜兩事故言遂林此以其書遂何齊

始伐盟主也自袁婁以來齊世從晉於是始叛則晉伯衰而諸侯二矣晉之衰諸夏之憂

○八月叔

孫豹帥師救晉次于雍榆

豹救晉持命于雍榆故書次雍榆晉地汲郟歌縣東有

雍城林次而後救匪其救之形也救而先次宣其救之聲也自救晉而天下益多故矣盟于宋而南北之

勢成會于申而淮夷至戰于雞父而吳之敗者六國於越入吳春秋終焉蓋於是馬始故謹而書之也是故是

救盟主他救皆不書如昭二十一年晉以諸侯之師救宋三十年楚救徐之類皆不書以為不足書也○雍于

用反 ○已卯仲孫速卒

孟莊子也

○冬十月乙亥臧孫紇出奔

邾書名者阿順季氏為之廢長立少以取奔亡罪之

○晉人殺欒盈○齊侯襲

莒按輕行掩其不備曰襲因伐晉還襲莒不言遂者間有事耳春秋書襲者此特筆也

傳二十三年春祀孝公卒晉悼夫人喪之

杜悼夫人晉平公母祀孝

公姊妹林以兄弟之禮喪之。喪如字徐息浪反。

平公不徹樂非禮也

不徹去也禮

為鄰國闕

禮諸侯絕期故以鄰國責之。為于偽反下同。

○陳侯如楚

往朝也

公

子黃愬二慶於楚楚人召之

杜二慶虎及寅也二十年二慶譖黃黃奔楚自理今

陳侯往楚了信黃為召二慶。愬恣路反。

使慶樂往殺之

慶樂二慶之族二慶畏誅故不敢自

往。使慶樂往絕句。

慶氏以陳叛

杜因陳侯在楚而叛之不書叛不以告

夏屈建從

陳侯圍陳陳入城

杜治城以距君屈建楚莫殺。從才用反又如字

板隊而殺

人後人相命各殺其長

杜築城之版墜地慶氏怒其不用心遂殺築人執技之人怨慶

氏殺人乃相告作亂各殺其隊伍之長。隊直類反長丁文反

遂殺慶虎慶寅楚人納

公子黃君子謂慶氏不義不可肆也

林肆故也言不可故在人上

書曰惟命不予常

杜周書康誥言有義則存無義則亡

○晉將嫁女子吳

齊侯使析歸父媵之以藩載欒盈及其士

林以藩車之有障蔽者載

欒盈及其腹心瓜牙之士使若媵妾在其中。析星應反勝以證反藩方元反

納諸曲沃

欒盈邑也

欒盈夜見胥午而告之

杜胥午守曲沃大夫夜見不欲使人知

對曰不可

天之所廢誰能興之子必不免吾非愛死也知不集也

杜集成也。知音智又如字。

盈曰雖然因子而死吾無悔矣

杜言因晉午舉

事無成而死我亦無所悔恨

我實不天子無咎焉

林言我雖不為天所祐子無天咎故

可許諾伏之而觴曲沃人

杜晉午匿盈而飲其衆

樂作午言曰今

也得樂孺子何如

杜孺子樂盈名言今也

對曰得主而為

之死猶不死也

杜主謂樂盈

皆歎有泣者爵行又言

林爵行飲酒晉

午又以樂盈為言

皆曰得主何貳之有

林言得樂盈何敢復有二心

盈出偏

拜之

謝衆之思已

四月樂盈帥曲沃之甲因魏獻子以晝入

絳

杜獻子魏舒絳晉國都林以晝入絳輕兵掩晉之不備也

初樂盈佐魏莊子於下

軍

杜莊子魏絳獻子之父

獻子私馬故因之

杜私相親愛林魏獻子以事私請託於樂

盈趙氏以原屏之難怨樂氏

杜成八年莊姬語之樂邵為微。屏薄輕反難乃旦

反韓趙方睦

杜韓趙讓趙武故和睦

中行氏以伐秦之役怨樂氏

十四年晉伐秦樂屢違荀偃命曰余馬首欲東

而固與范氏和親

杜范宣子佐中行懼於中

軍知悼子少而聽於中行氏

杜悼子知罃之子荀盈也少年十七知氏中行氏同

祖故相聽從。知音智少詩照反

程鄭嬖於公

杜鄭亦荀氏宗嬖必許反

唯魏氏

及七輿大夫與之

杜七輿官名唯魏獻子及七輿大夫與樂盈為好

樂王鮒待

坐於范宣子或告曰樂氏至矣宣子懼桓子曰奉君以

走固官必無害也

杜桓子樂王鮒林固官官之有臺觀守備者。鮒音附走如字一音奏

且樂氏多怨子為政樂氏自外子在位其利多矣既有

利權又執民柄

林宣子既有晉國財利之權又執賞罰生民之柄

將何懼焉樂

氏所得其唯魏氏乎而可強取也夫克亂在權子無懈

矣

林魏獻子雖與樂盈其心未固可以強劫而取之夫克勝禍亂之道在於有權宣子無懈怠於用權可矣

○強其久反

公有姻喪

杜夫人有祀喪

王鮒使宣子墨綰冒經

杜晉自殺戰選遼常墨綰○綰七雷反經直結反

二婦

人輦以如公

杜恐樂氏有內應距之故為婦人服而入

奉公以如固官范鞅

逆魏舒

林鞅宣子子杜用王紂計欲強取之

則成列既乘

林魏獻子之兵成行列既乘車

乘繩證反

將逆欒氏矣趨進曰欒氏帥賊以八鞅之父與

二三子在君所矣

杜二三子諸大夫

使鞅逆吾子鞅請駮乘持

帶

駮乘必持帶備墮隊

遂超乘

杜跳上駮子車

右撫劍左援帶

杜劫之援音袁

命驅之出僕請

林范鞅命驅車出獻子之僕請其所至

鞅曰之公

杜之往也言往

所宣子逆諸階

杜逆獻子也

執其手賂之以曲沃

杜恐不與已同心

初斐豹隸也著於丹書

杜蓋犯罪沒為官奴以丹書其罪○斐音非又芳匪反

欒

氏之力臣曰督我國人懼之斐豹謂宣子曰苟焚丹書

我殺督戎宣子喜曰而殺之所不請於君焚丹書者有

如日

林而汝也杜言不負妻明如日

乃出豹而閉之

林閉著門外

督戎從之

踰隱而待之

林隱短牆也杜督戎見斐豹出門從之拒戰斐豹乃過短牆而待其至

督戎

踰入豹自後擊而殺之范氏之徒在臺後

杜公臺之後

樂氏

乘公門

欲乘登也

宣子謂鞅曰矢及君屋死之

杜言賊之矢已及君屋今

其殺死力戰

鞅用劒以帥卒

杜用劒短兵接敵殺死。卒子忽反

樂氏退攝

車從之

杜鞅攝宣子戎車

遇樂樂

樂盈之族

曰樂免之

林范鞅呼其名而謂之曰

樂免之言不免汝

死將訟女於天

杜言雖死猶不舍女罪。女音汝

樂射之不

中又注

杜注屬矢於弦也。射食亦反。中丁仲反。

則乘槐本而覆

杜樂樂車。鞅槐而覆。

覆。槐音懷。芳服反。

或以戟鉤之斷肘而死。樂魴傷樂盃奔曲沃。

晉人圍之

魴樂氏族。斷音短。肘音九反。

○秋齊侯伐衛先驅穀崇御

王孫揮召揚為右

杜先驅前鋒軍。召士照反。

申驅成秩御莒恒申

鮮虞之傳摯為右

杜申驅次前軍。傳摯申鮮虞之子。鮮音仙。摯音至。

曹開御戎

晏父戎為右

杜公御右也。父音甫。

貳廣上之登御邢公廬蒲葵

為右

杜貳廣公副車。廣古曠反。邢音刑。

啟牢成御襄罷師狼蘧疏為右

左翼曰啟。牢魯刀反。一作罕罷音。皮徐音彼。又皮買反。蘧其居反。

肱商子車御侯朝桓

跳為右

右翼曰肱。肱起居反。捺音曹。朝如字。又直達反。跳徒彫反。

大殿商子游御

夏之御寇崔如為右

杜天殿後軍。殷都棘反。御魚呂反。

燭庸之越駟乘

杜四人共乘殿車也。傳其載此言。莊公廢舊臣任武力。乘繩誣反。

自衛將遂伐晉晏平

仲曰君恃勇力以伐盟主若不濟國之福也不德而有

功憂必及君

林無文德而有武功憂患必將及君之身言必以驕縱致憂患

崔杼諫曰

不可臣聞之小國間大國之敗而毀焉

林言齊間晉有樂盈之禍而伐

之。間。間。廁。之間。又如字。

必受其咎君其圖之弗聽陳文子見崔武

子

林文子陳完之孫。須無武子崔杼也。

曰將如君何

杜言君將伐晉如之何。

武子曰

吾言於君君弗聽也以為盟主而利其難羣臣若急君

於何有

林言有急不能顧君欲弑之以說晉難乃且反

子姑止之文子退告其

人曰崔子將死乎謂君甚而又過之

弑君之惡過於背盟主

不得

其死過君以義猶自抑也况以惡乎

林所行之義有過於君人臣之道猶

自抑損不敢求過况敬以惡過其君乎

齊侯遂伐晉取朝歌

杜朝歌今屬汲郡為

二隊入孟門登大行

杜二隊分兵為二部孟門晉隘道大行山在河內郡北。隊徒對反

徐徒猥反大音泰行徐戶郎反又如字

張武軍於熒庭

杜張武軍謂葉壘壁熒庭晉地。熒

戶高反戍郟郟

杜取晉邑而守之。郟婢之反

封少水

封晉尸於少水以為京觀。少詩照

同反下以報平陰之後乃還平陰後在十八年趙勝即東陽之師

以追之獲晏羗

杜趙勝趙旃之子東陽晉之山東魏郡廣平以北晏羗齊大夫。勝音升又申

證反羗力之反徐音來。○八月叔孫豹帥師救晉次于雍榆禮也

救盟主故曰禮。○季武子無適子公彌長而愛悼子欲立之杜公

彌公鉏悼子紇也。適丁歷反長丁丈反下皆同。訪於申豐申豐季氏屬大夫曰彌與

紇吾皆愛之欲擇才焉而立之林難言立少故言欲立有才者申豐趨

退歸盡室將行他日又訪焉對曰其然將具敝車而行

杜其然猶必爾林言己將具敝車而去不敢與聞。敝婢世反徐扶滅反乃止杜止不立紇訪於

臧紇臧紇曰飲我酒吾為子立之季氏飲大夫酒臧紇

為客

杜為上賓。飲于鵠反。下皆同吾為于為反。

既獻

已獻酒

臧孫命北面重

席新樽絜之

杜命設重席於堂上北面酒樽既新復滌潔之。重直恭反樽音尊。

召悼子

降逆之大夫皆起

杜臧孫下迎悼子

及旅而召公鉏

杜獻酬禮畢而通行

為旅使與之齒

杜使從無子之禮列在悼子之下

季孫失色

恐公鉏不從

季氏

以公鉏為馬正

杜馬正家司馬

愠而不出

杜公鉏怨怒而不肯出。愠紆運反

閔

子馬見之

杜閔子馬閔馬父

曰子無然禍福無門惟人所召為

人子者患不孝不患無所

杜所位處

敬共父命何常之有

言

置在父無
常位也

若能孝敬富倍季氏可也

林父寵之
則可富

姦回不

軌禍倍下民可也

杜禍甚
於貧賤

公鉏然之敬共朝夕恪居官

次

杜次舍也恪謹居守司
馬官舍。恪苦各反

季孫喜使飲已酒而以具往

盡舍旃

林使公鉏為武子設燕禮季武子以享燕之具
往公鉏家盡棄其具以與公鉏旃之也。舍音

捨故公鉏氏富又出為公左宰

杜出季氏家
臣仕於公

孟孫惡臧

孫

杜不相善。惡
鳥路反下同

季孫愛之

杜愛其
成已志

孟氏之御駟豐點

好羯也

杜羯孟莊子之庶子孺子秩之弟孝伯也。駟
側留反點都草見人之庶反好呼報反羯居竭

反曰從余言必為孟孫

杜為孟
孫後

再三云

林豐點再三
為羯言之

羯

從之孟莊子疾豐黜謂公鉏苟立羯請讐臧氏

使孟氏與公鉏

共憎臧孫

公鉏謂季孫曰孺子秩固其所也

杜言孟孫死孺子秩為其長子

固所當立也

若羯立則季氏信有力於臧氏矣

杜臧氏因季孫之欲而為

定之猶為有力今若專立孟氏之少則季氏有力過於臧氏

弗應已死孟孫卒公鉏

奉羯立于戶側

杜戶側喪主

季孫至入哭而出曰秩焉在公

鉏曰羯在此矣季孫曰孺子長公鉏曰何長之有唯其

才也

季孫廢鉏立紇云欲擇才故以此答之

且夫子之命也

林夫子謂孟莊

子遂誣以為孟莊子之命

遂立羯秩奔邾臧孫入哭甚哀多涕

林哀甚則

多涕 出其御曰孟孫之惡子也而哀如是季孫若死其若

之何臧孫曰季孫之愛我疾疾也杜常志相順從身之害。疾耻恐反。孟

孫之惡我藥石也常志相違疾猶藥石之療疾。美疾不如惡石夫石

猶生我杜愈已疾也。疾之美其毒茲多孟孫死吾亡無日矣

林愚按此乃臧武仲廢鉏立紇作不順於先及見公鉏廢秩立羯則知禍將及已哭甚哀多涕蓋有所感而傷之也其御不解而問故據理以答之此其所以為多知也。孟氏閉門告於季孫曰臧

氏將為亂不使我葬杜欲為公鉏警臧氏。季孫不信臧孫聞之戒

戒為備也。冬十月孟氏將辟藉除於臧氏杜辟穿藏也於臧氏借人除葬道。

辟婢亦反徐甫亦反
藉徐音借又如字

臧孫使正夫助之

杜正夫

除於東

門甲從已而視之

杜畏孟氏故從甲士視作
者。從才用反又如字

孟氏又告

季孫季孫怒命攻臧氏

杜見其
有甲故

乙亥臧紇斬鹿門之闕

以出奔邾

杜魯南
城東門

初臧宣叔娶于鑄生賈及為而死

杜鑄

國濟北蛇丘縣所治林鑄女生二子賈
及為而鑄女死。娶七住反鑄之樹反

繼室以其姪

杜女

子為兄弟之子為姪。
姪大結反又大一反

穆姜之姨子也

姪穆姜姨母之
子與穆姜為姨

昆弟生紇長於公宮姜氏愛之故立之

杜立為
宣叔嗣

臧賈臧為

出在鑄

杜還舅
氏也

臧武仲自邾使告臧賈且致大蔡焉

杜大

蔡大龜。大蔡龜名也。一云龜出蔡地，因為名。

曰紇不佞，失守宗祧。

林近，祖廟為宗。

遠祖廟為祧。○祧，他彫反。

敢告不弔。

杜不為天，所弔恤。

紇之罪不及不祀。

杜言。

應有後。

子以大蔡納請，其可。

杜請為先，人立後。

賈曰：是家之禍也。

非子之過也。賈聞命，矣再拜受龜，使為以納請。

杜賈使為為已。

請遂自為也。

杜為自為請。

臧孫如防。

防臧孫邑。

使來告曰：紇非能

害也，知不足也。

言使甲從已，但慮事淺耳。知音智。

非敢私請。

為其先人請也。

苟

守先祀，無廢二勳。

杜二勳，文仲宣叔林王功曰勳。

敢不辟邑。

林敢不辟防邑而去。

杜據邑請後，故孔子以為要君。

乃立臧為臧紇，致防而奔齊。

杜魯從其請，乃立臧。

為為臧氏後臧紇得立
幾乃致其邑而奔齊

其人曰

杜防邑之人

其盟我乎

謂陳其罪

惡盟請大夫以為戒

臧孫曰無辭

廢長立少季孫所忌故謂無辭以罪已

將盟臧氏

季孫召外史掌惡臣而問盟首焉

惡臣謂奔亡者盟首載書之章首

對

曰盟東門氏也

林在宣公十八年

曰母或如東門遂不聽公命

殺適立庶

文公命立子惡公子遂殺之立宣公。母音無聽口定反適丁歷反

盟叔孫氏

也

林在成公十六年

曰母或如叔孫僑如欲廢國常蕩覆公室

謂譖公與季孟於晉。覆芳服反

季孫曰臧孫之罪皆不及此孟椒曰

盍以其犯門斬闕

林言何不以其犯鹿門之禁斬闕以出之罪而盟之

季孫用之

乃盟臧氏曰無或如臧孫紇干國之紀犯門斬闕

干也亦犯也

臧孫聞之曰國有人焉誰居其孟椒乎

杜孟椒孟獻子之孫子服患伯

居猶與也
○居音基

○晉人克欒盈于曲沃

林得萬曰克傳言克欒盈見盈之雋傑非

也常盡殺欒氏之族黨欒魴出奔宋書曰晉人殺欒盈不

言大夫言自外也

杜自外犯君而入非復晉大夫

○齊侯還自晉不入

不入

遂襲莒門于且子

且于莒邑且子余反

傷股而退

杜齊侯傷明

日將復戰期于壽舒

壽舒莒地

杞殖華還載甲夜入且子之

隧宿於莒郊

杜二子齊大夫且子隧狹路苑市力反華胡化反還音旋

○明日先遇

莒子於蒲侯氏

蒲侯氏近莒之邑

莒子重賂之使無死曰請有

盟

欲以盟要二子無致死戰

華周對曰貪貨棄命亦君所惡也

杜華周即

華還林貪莒子之賄賂棄齊君之命今有臣如此亦莒子所惡也

昏而受命日未中而

遽棄之何以事君莒子親鼓之從而伐之獲杞梁

杞梁即杞

殖

莒人行成

杜勝大國益懼故行成

齊侯歸遇杞梁之妻于郊

杜梁

戰死妻行迎喪

使弔之辭曰殖之有罪何辱命焉

杜言若有罪不足弔

若

免於罪猶有先人之敝廬在下妾不得與郊弔

杜婦人無外事故下

猶賤也。廬力居反與音預

齊侯弔諸其室

傳善婦人有禮

○齊侯將為臧

紇田

北與之田邑

臧孫聞之見齊侯與之言伐晉

齊侯自道伐晉之功

○臧孫聞之見齊侯絕句一讀以見字絕句齊侯向下讀

對曰多則多矣

林戰功曰多上多字

戰功也下多字多少也言伐晉之戰功則不為少矣

抑君似鼠夫鼠晝伏夜動不

穴於寢廟畏人故也今君聞晉之亂而後作焉寧將事

之非鼠如何乃弗與田

林夫鼠之為物晝則藏伏夜方出動寢廟人多鼠不即以為巢

宄惟其畏人所以如此今君聞晉有樂盈之亂而後起兵伐亂若晉國安寧將服事之非鼠之所為而何杜臧

孫知齊侯將敗不欲受其色故以比鼠欲使怒而止

仲尼曰知之難也有臧武仲

之知禍杜謂能辟齊

而不容於魯國抑有由也作不順而

施不怨也

林循理為順如心為怨武仲廢長夏書曰念

茲在茲

杜逸書也念此事在此身言行事當常念如在已身也

順事怨施也

左傳杜林合注卷二十九